

ישעיה

19	18	17	16	15	14	13	12	11	10	9	8	7	6	5	4	3	2	1
38	37	36	35	34	33	32	31	30	29	28	27	26	25	24	23	22	21	20
57	56	55	54	53	52	51	50	49	48	47	46	45	44	43	42	41	40	39
66	65	64	63	62	61	60	59	58										

הפרק 1

חזון ישעיהו בן אמוץ אשר חזה על יהודה וירושלם בימי עזיהו יותם אחז יחזקיהו מלכי יהודה
²שמעו שמים והאזיני ארץ כי יהוה דבר בנים גדלתי ורוממתי והם פשעו בי!
³ידע שור קנהו וחמור אבוס בעליו ישראל לא ידע עמי לא התבונן
⁴הוי גוי חטא עם כבד עון זרע מרעים בנים משחיתים עזבו את יהוה נאצו את קדוש ישראל נזרו
אחור
⁵על מה תכו עוד תוסיפו סרה כל ראש לחלי וכל לבב דו!
⁶מכף רגל ועד ראש אין בו מתם פצע וחבורה ומכה טריה לא זרו ולא חבשו ולא רככה בשמן
⁷ארצכם שממה עריכם שרפות אש אדמתכם לנגדכם זרים אכלים אתה ושממה כמהפכת זרים
⁸ונותרה בת ציון כסכה בכרם כמלונה במקשה כעיר נצורה
⁹לולי יהוה צבאות הותיר לנו שריד כמעט כסדם היינו לעמרה דמינו
¹⁰שמעו דבר יהוה קציני סדם האזינו תורת אלהינו עם עמרה
¹¹למה לי רב זבחיכם יאמר יהוה שבעתי עלות אילים וחלב מריאים ודם פרים וכבשים ועתודים לא
חפצתי
¹²כי תבאו לראות פני מי בקש זאת מידכם רמס חצרי
¹³לא תוסיפו הביא מנחת שוא קטרת תועבה היא לי חדש ושבת קרא מקרא לא אוכל און ועצרה
¹⁴חדשיכם ומועדיכם שנאה נפשי היו עלי לטרח נלאיתי נשא
¹⁵ובפרשכם כפיכם אעלים עיני מכם גם כי תרבו תפלה אינני שמע ידיכם דמים מלאו
¹⁶רחצו הזכו הסירו רע מעלליכם מנגד עיני חדלו הרע
¹⁷למדו היטב דרשו משפט אשרו חמוץ שפטו יתום ריבו אלמנה
¹⁸לכו נא ונוכחה יאמר יהוה אם יהיו חטאיכם כשנים כשלג ילבינו אם יאדימו כתולע כצמר יהיו
¹⁹אם תאבו ושמעתם טוב הארץ תאכלו
²⁰ואם תמאנו ומריתם חרב תאכלו כי פי יהוה דבר
²¹איכה היתה לזונה קריה נאמנה מלאתי משפט צדק ילין בה ועתה מרצחים
²²כספך היה לסיגים סבאך מהול במים
²³שריך סוררים וחברי גנבים כלו אהב שחד ורדף שלמנים יתום לא ישפטו וריב אלמנה לא יבוא
אליהם
²⁴לכן נאם האדון יהוה צבאות אביר ישראל הוי אנחם מצרי ואנקמה מאויבי!
²⁵ואשיבה ידי עליך ואצרף כבר סיגך ואסירה כל בדיליך

²⁶ ואשיבה שפטיך כבראשנה ויעציך כבתחלה אחרי כן יקרא לך עיר הצדק קריה נאמנה
²⁷ ציון במשפט תפדה ושביה בצדקה
²⁸ ושבר פשעים וחטאים יחדו ועזבי יהוה יכלו
²⁹ כי יבשו מאילים אשר חמדתם ותחפרו מהגנות אשר בחרתם
³⁰ כי תהיו כאלה נבלת עלה וכגנה אשר מים אין לה
³¹ והיה החסן לנערת ופעלו לניצוץ ובערו שניהם יחדו ואין מכבה

הפרק 2

הדבר אשר חזה ישעיהו בן אמוץ על יהודה וירושלם
² והיה באחרית הימים נכון יהיה הר בית יהוה בראש ההרים ונשא מגבעות ונהרו אליו כל הגוים
³ והלכו עמים רבים ואמרו לכו ונעלה אל הר יהוה אל בית אלהי יעקב וירנו מדרכיו ונלכה בארחתיו כי
מציון תצא תורה ודבר יהוה מירושלם
⁴ ושפט בין הגוים והוכיח לעמים רבים וכתתו חרבותם לאתים וחניתותיהם למזמרות לא ישא גוי אל
גוי חרב ולא ילמדו עוד מלחמה
⁵ בית יעקב לכו ונלכה באור יהוה
⁶ כי נטשתה עמך בית יעקב כי מלאו מקדם ועננים כפלשתים ובילדי נכרים ישפיקו
⁷ ותמלא ארצו כסף וזהב ואין קצה לאצרתיו ותמלא ארצו סוסים ואין קצה למרכבתיו
⁸ ותמלא ארצו אלילים למעשה ידיו ישתחוו לאשר עשו אצבעתיו
⁹ וישח אדם וישפל איש ואל תשא להם
¹⁰ בוא בצור והטמן בעפר מפני פחד יהוה ומהדר גאנו
¹¹ עיני גבהות אדם שפל ושח רום אנשים ונשגב יהוה לבדו ביום ההוא
¹² כי יום ליהוה צבאות על כל גאה ורם ועל כל נשא ושפל
¹³ ועל כל ארזי הלבנון והנשאים ועל כל אלוני הבשן
¹⁴ ועל כל ההרים הרמים ועל כל הגבעות הנשאות
¹⁵ ועל כל מגדל גבה ועל כל חומה בצורה
¹⁶ ועל כל אניות תרשיש ועל כל שכיות החמדה
¹⁷ ושח גבהות האדם ושפל רום אנשים ונשגב יהוה לבדו ביום ההוא
¹⁸ והאלילים כליל יחלף
¹⁹ ובאו במערות צרים ובמחלות עפר מפני פחד יהוה ומהדר גאנו בקומו לערץ הארץ
²⁰ ביום ההוא ישליך האדם את אלילי כספו ואת אלילי זהבו אשר עשו לו להשתחות לחפר פרות
ולעטלפים
²¹ לבוא בנקרות הצרים ובסעפי הסלעים מפני פחד יהוה ומהדר גאנו בקומו לערץ הארץ
²² חדלו לכם מן האדם אשר נשמה באפו כי במה נחשב הוא

הפרק 3

כי הנה האדון יהוה צבאות מסיר מירושלם ומיהודה משען ומשענה כל משען לחם וכל משען מים
² גבור ואיש מלחמה שופט ונביא וקסם וזקן
³ שר חמשים ונשוא פנים ויועץ וחכם חרשים ונבון לחש
⁴ ונתתי נערים שריהם ותעלולים ימשלו בהם
⁵ ונגש העם איש באיש וירעהו ויראהו הנער בזקן והנקלה בנכבד
⁶ כי יתפש איש באחיו בית אביו שמלה לכה קצין תהיה לנו והמכשלה הזאת תחת ידך

⁷ישא ביום ההוא לאמר לא אהיה חבש ובביתי אין לחם ואין שמלה לא תשימני קצין עם
⁸כי כשלה ירושלם ויהודה נפל כי לשונם ומעלליהם אל יהוה למרות עני כבודו
⁹הכרת פניהם ענתה בם וחטאתם כסדם הגידו לא כחדו אוי לנפשם כי גמלו להם רעה
¹⁰אמרו צדיק כי טוב כי פרי מעלליהם יאכלו
¹¹אוי לרשע רע כי גמול ידיו יעשה לו
¹²עמי נגשיו מעולל ונשים משלו בו עמי מאשריך מתעים ודרך ארחתיך בלעו
¹³נצב לריב יהוה ועמד לדין עמים
¹⁴יהוה במשפט יבוא עם זקני עמו ושריו ואתם בערתם הכרם גזלת העני בבתיכם
¹⁵מלכם תדכאו עמי ופני עניים תטחנו נאם אדני יהוה צבאות
¹⁶ויאמר יהוה יען כי גבהו בנות ציון ותלכנה נטוות גרון ומשקרות עינים הלך וטפוף תלכנה
וברגליהם תעכסנה
¹⁷ושפח אדני קדקד בנות ציון ויהוה פתהן יערה
¹⁸ביום ההוא יסיר אדני את תפארת העכסים והשבסים והשהרנים
¹⁹הנטפות והשרות והרעלות
²⁰הפארים והצעדות והקשרים ובתי הנפש והלחשים
²¹הטבעות ונזמי האף
²²המחלצות והמעטפות והמטפחות והחריטים
²³הגלינים והסדינים והצניפות והרדידים
²⁴והיה תחת בשם מק יהיה ותחת חגורה נקפה ותחת מעשה מקשה קרחה ותחת פתיגיל מחגרת
שק כי תחת יפי
²⁵מתוך בחרב יפלו וגבורתך במלחמה
²⁶ואנו ואבלו פתחיה ונקתה לארץ תשב

הפרק 4

החזיקו שבע נשים באיש אחד ביום ההוא לאמר לחמנו נאכל ושמלתנו נלבש רק יקרא שמך עלינו
אסף חרפתנו
²ביום ההוא יהיה צמח יהוה לצבי ולכבוד ופרי הארץ לגאון ולתפארת לפליטת ישראל
³והיה הנשאר בציון והנותר בירושלם קדוש יאמר לו כל הכתוב לחיים בירושלם
⁴אם רחץ אדני את צאת בנות ציון ואת דמי ירושלם ידיח מקרבה ברוח משפט וברוח בער
⁵וברא יהוה על כל מכון הר ציון ועל מקראה ענן יומם ועשן ונגה אש להבה לילה כי על כל כבוד
חפה
⁶וסכה תהיה לצל יומם מחרב ולמחסה ולמסתור מזרם וממטר

הפרק 5

אשירה נא לידידי שירת דודי לכרמו כרם היה לידידי בקרן בן שמן
²ויעזקהו ויסקלהו ויטעהו שרק ויבן מגדל בתוכו וגם יקב חצב בו ויקו לעשות ענבים ויעש באשים
³ועתה יושב ירושלם ואיש יהודה שפטו נא ביני ובין כרמי
⁴מה לעשות עוד לכרמי ולא עשיתי בו מדוע קויתי לעשות ענבים ויעש באשים
⁵ועתה אודיעה נא אתכם את אשר אני עשה לכרמי הסר משוכתו והיה לבער פרץ גדרו והיה למרמס
⁶ואשיתוהו בתה לא יזמר ולא יעדר ועלה שמיר ושית ועל העבים אצוה מהמטיר עליו מטר
⁷כי כרם יהוה צבאות בית ישראל ואיש יהודה נטע שעשועיו ויקו למשפט והנה משפח לצדקה והנה
צעקה

⁸הוֹי מַגִּיעִי בֵּית בְּבִית שְׂדֵה בִּשְׂדֵה יִקְרִיבוּ עַד אִפְסֵי מָקוֹם וְהוֹשַׁבְתֶּם לְבַדְכֶּם בְּקֶרֶב הָאָרֶץ
⁹בְּאֶזְנֵי יְהוָה צְבָאוֹת אִם לֹא בָתִּים רַבִּים לִשְׂמָה יִהְיוּ גְדִלִים וְטוֹבִים מֵאֵין יוֹשֵׁב
¹⁰כִּי עֲשֶׂרֶת צִמְדֵי כֶרֶם יַעֲשׂוּ בֵּת אַחַת וְזֶרַע חֲמֵר יַעֲשֶׂה אִיפָּה
¹¹הוֹי מִשְׁכִּימִי בְּבֶקֶר שֹׁכֵר יִרְדְּפוּ מֵאַחֲרֵי בִנְשָׁף יֵין יִדְלִיקֶם
¹²וְהִיָּה כְּנוֹר וְנִבֵּל תֶּף וְחִלְלִיל וֵיין מִשְׁתִּיָּהֶם וְאֵת פֶּעַל יְהוָה לֹא יִבִּטּוּ וּמַעֲשֵׂה יָדָיו לֹא רָאוּ
¹³לִכֵּן גִּלָּה עָמִי מִבְּלִי דַעַת וְכִבּוּדוֹ מִתִּי רַעַב וְהוֹמוֹנוֹ צָחָה צִמָּא
¹⁴לִכֵּן הִרְחִיבָה שְׂאוֹל נִפְשָׁה וּפְעָרָה פִּיהָ לְבִלִּי חֵק וִירֵד הִדְרָה וְהוֹמוֹנָה וְשִׂאוֹנָה וְעֵלֶז בָּה
¹⁵וְיִשָּׁח אָדָם וְיִשְׁפֹּל אִישׁ וְעֵינָי גְּבֵהִים תִּשְׁפֹּלְנָה
¹⁶וְיִגְבֶּה יְהוָה צְבָאוֹת בְּמִשְׁפָּט וְהָאֵל הַקָּדוֹשׁ נִקְדָּשׁ בְּצַדִּיקָה
¹⁷וְרַעְו כְּבָשִׁים כְּדִבְרָם וְחֲרָבוֹת מַחִים גָּרִים יֵאָכְלוּ
¹⁸הוֹי מִשְׁכִּי הָעוֹן בַּחֲבִלִי הַשּׁוֹא וְכַעֲבוֹת הַעֲגָלָה חֲטָאָה
¹⁹הָאֲמָרִים יִמְהַר יַחֲיִשָּׁה מַעֲשָׂהּ לִמְעַן נִרְאָה וְתִקְרַב וְתִבּוֹאָה עֲצַת קְדוֹשׁ יִשְׂרָאֵל וְנִדְעָה
²⁰הוֹי הָאֲמָרִים לִרְעָ טוֹב וְלִטּוֹב רַע שָׁמַיִם חֶשֶׁךְ לָאוֹר וְאוֹר לַחֹשֶׁךְ שָׁמַיִם מֵרָ לַמֶּתוֹק וּמֵתוֹק לַמָּר
²¹הוֹי חֲכָמִים בְּעֵינֵיהֶם וְנֹגֵד פְּנֵיהֶם נְבִנִים
²²הוֹי גְּבוּרִים לִשְׁתוֹת יֵין וְאֲנָשִׁי חֵיל לַמֶּסֶךְ שֹׁכֵה
²³מִצְדִּיקִי רָשָׁע עֶקֶב שָׁחַד וְצַדִּיקִי צְדִיקִים יִסִּירוּ מִמֶּנִּי
²⁴לִכֵּן כֹּאכַל קֶשׁ לִשּׁוֹן אִשׁ וְחֹשֶׁשׁ לִהְבָּה יִרְפָּה שְׂרָשָׁם כִּמְקַיִּי יִהְיֶה וּפְרָחָם כֹּאבֵק יַעֲלֶה כִּי מֵאִסּוֹ אֵת
תּוֹרַת יְהוָה צְבָאוֹת וְאֵת אֲמֶרֶת קְדוֹשׁ יִשְׂרָאֵל נֶאֱצַו
²⁵עַל כֵּן חָרָה אֵף יְהוָה בְּעַמּוֹ וִיטִּי יָדוֹ עֲלֵיו וְיִכְהוּ וְיִרְגְּזוּ הַהָרִים וְתִהְיֶינָה נִבְלָתָם כְּסוּחָהּ בְּקֶרֶב חוּצוֹת בְּכָל
זֹאת לֹא שָׁב אִפּוֹ וְעוֹד יָדוֹ נְטוּיָה
²⁶וְנִשְׂא נֶס לְגוֹיִם מִרְחוֹק וְשָׁרַק לוֹ מִקְצֵה הָאָרֶץ וְהִנֵּה מִהֵרָה קֵל יָבוֹא
²⁷אֵין עֵיף וְאֵין כּוֹשֵׁל בּוֹ לֹא יָנוּם וְלֹא יִישָׁן וְלֹא נִפְתַּח אָזְנוֹ לְחִצֵּיו וְלֹא נִתַּק שְׁרוֹן נְעִלָיו
²⁸אֲשֶׁר חֲצִיו שְׁנוֹנִים וְכָל קִשְׁתֵּיתּוֹ דְּרוֹכוֹת פְּרִסוֹת סוֹסָיו כֶּצֶר נִחְשָׁבוּ וּגְלָגְלָיו כְּסוּפָה
²⁹שֹׁאֲגָה לוֹ כְּלָבִיא וְשֹׁאֲג כִּכְפִּירִים וְיִנְהֶם וְיִאֲחֹז טֶרֶף וְיִפְלִיט וְאֵין מִצִּיל
³⁰וְיִנְהֶם עֲלָיו בְּיוֹם הַהוּא כִּנְהַמַּת יָם וְנִבְט לָאָרֶץ וְהִנֵּה חֶשֶׁךְ צָר וְאוֹר חֶשֶׁךְ בְּעֵרִיפִיָּה

הפרק 6

בשֶׁנֶת מוֹת הַמֶּלֶךְ עֲזִיָּהוּ וְאִרְאָה אֵת אֲדָנִי יוֹשֵׁב עַל כִּסֵּא רֶם וְנִשְׂא וְשׁוּלֵיוֹ מְלָאִים אֵת הַהִיכָל
²שְׂרָפִים עֹמְדִים מִמַּעַל לוֹ שֶׁשׁ כְּנָפִים שֶׁשׁ כְּנָפִים לְאַחַד בְּשֵׁתִים יִכְסֶה פָּנָיו וּבְשֵׁתִים יִכְסֶה רַגְלָיו
וּבְשֵׁתִים יַעֲוֹפֶף
³וְקָרָא זֶה אֵל זֶה וְאָמַר קְדוֹשׁ קְדוֹשׁ קְדוֹשׁ יְהוָה צְבָאוֹת מִלֵּא כָל הָאָרֶץ כְּבוֹדוֹ
⁴וְיִנְעוּ אֲמוֹת הַסָּפִים מִקּוֹל הַקּוֹרָא וְהַבֵּית יִמְלָא עֵשׂן
⁵וְאָמַר אוֹי לִי כִי נִדְמִיתִי כִי אִישׁ טִמָּא שְׁפִתִּים אֲנִכִּי וּבִתּוֹךְ עִם טִמָּא שְׁפִתִּים אֲנִכִּי יוֹשֵׁב כִּי אֵת הַמֶּלֶךְ
יְהוָה צְבָאוֹת רָאוּ עֵינַי
⁶וְיַעֲף אֵלַי אֶחָד מִן הַשְּׂרָפִים וּבִידּוֹ רִצְפָה בְּמִלְקָחִים לִקַּח מֵעַל הַמִּזְבֵּחַ
⁷וְיֹגַע עַל פִּי וְיֹאמַר הִנֵּה נֹגַע זֶה עַל שְׁפִתֶיךָ וְסָר עוֹנֶךָ וְחֲטָאתֶךָ תִּכְפֹּר
⁸וְאִשְׁמַע אֵת קוֹל אֲדָנִי אֲמַר אֵת מִי אֲשַׁלַּח וּמִי יֵלֶךְ לָנוּ וְאָמַר הַנְּנִי שְׁלַחְנִי
⁹וְיֹאמַר לֶךְ וְאִמְרַת לַעֲם הַזֶּה שְׁמַעוּ שְׁמוֹעַ וְאֵל תְּבִינּוּ וְרָאוּ רָאוּ וְאֵל תִּדְעוּ
¹⁰הַשֵּׁמֶן לֵב הָעָם הַזֶּה וְאִזְנוֹ הַכֹּבֵד וְעֵינָיו הַשֹּׁעַ פֶּן יִרְאֶה בְּעֵינָיו וּבְאֶזְנוֹ יִשְׁמַע וּלְבָבוֹ יִבִּין וְרֹפֵא לוֹ
¹¹וְאָמַר עַד מָתַי אֲדָנִי וְיֹאמַר עַד אֲשֶׁר אִם שָׂאוּ עֲרִים מֵאֵין יוֹשֵׁב וּבָתִּים מֵאֵין אָדָם וְהָאֲדָמָה תִּשְׂאָה

הפרק 7

יהי בימי אחז בן יותם בן עזיהו מלך יהודה עלה רצין מלך ארם ופקח בן רמליהו מלך ישראל ירושלם למלחמה עליה ולא יכל להלחם עליה

² ויגד לבית דוד לאמר נחה ארם על אפרים וינע לבבו ולבב עמו כנוע עצי יער מפני רוח

³ ויאמר יהוה אל ישעיהו צא נא לקראת אחז אתה ושאר ישוב בנך אל קצה תעלת הברכה העליונה אל מסלת שדה כובס

⁴ ואמרת אליו השמר והשקט אל תירא ולבבך אל ירך משני זנבות האודים העשנים האלה בחרי אף רצין וארם ובן רמליהו

⁵ יען כי יעץ עליך ארם רעה אפרים ובן רמליהו לאמה

⁶ נעלה ביהודה ונקיצנה ונבקענה אלינו ונמליך מלך בתוכה את בן טבאל

⁷ כה אמר אדני יהוה לא תקום ולא תהיה

⁸ כי ראש ארם דמשק וראש דמשק רצין ובעוד ששים וחמש שנה יחת אפרים מעם

⁹ וראש אפרים שמרון וראש שמרון בן רמליהו אם לא תאמינו כי לא תאמנו

¹⁰ ויוסף יהוה דבר אל אחז לאמה

¹¹ שאל לך אות מעם יהוה אלהיך העמק שאלה או הגבה למעלה

¹² ויאמר אחז לא אשאל ולא אנסה את יהוה

¹³ ויאמר שמעו נא בית דוד המעט מכם הלאות אנשים כי תלאו גם את אלה!

¹⁴ לכן יתן אדני הוא לכם אות הנה העלמה הרה וילדת בן וקראת שמו עמנו אל

¹⁵ חמאה ודבש יאכל לדעתו מאוס ברע ובחור בטוב

¹⁶ כי בטרם ידע הנער מאס ברע ובחר בטוב תעזב האדמה אשר אתה קץ מפני שני מלכיה

¹⁷ וביא יהוה עליך ועל עמך ועל בית אביך ימים אשר לא באו למיום סור אפרים מעל יהודה את מלך אשור

¹⁸ והיה ביום ההוא ישרק יהוה לזבוב אשר בקצה יארי מצרים ולדבורה אשר בארץ אשור

¹⁹ ובאו ונחו כלם בנחלי הבתות ובנקיקי הסלעים ובכל הנעצוצים ובכל הנהללים

²⁰ ביום ההוא יגלח אדני בתער השכירה בעברי נהר במלך אשור את הראש ושער הרגלים וגם את הזקן תספח

²¹ והיה ביום ההוא יחיה איש עגלת בקר ושתי צאן

²² והיה מרב עשות חלב יאכל חמאה כי חמאה ודבש יאכל כל הנותר בקרב הארץ

²³ והיה ביום ההוא יהיה כל מקום אשר יהיה שם אלף גפן באלף כסף לשמיר ולשית יהיה

²⁴ בחצים ובקשת יבוא שמה כי שמיר ושית תהיה כל הארץ

²⁵ וכל ההרים אשר במעדר יעדרון לא תבוא שמה יראת שמיר ושית והיה למשלח שור ולמרמס שח

הפרק 8

יאמר יהוה אלי קח לך גליון גדול וכתב עליו בחרט אנוש למהר שלל חש בז

² ואעידה לי עדים נאמנים את אוריה הכהן ואת זכריהו בן יברכיהו

³ ואקרב אל הנביאה ותהר ותלד בן ויאמר יהוה אלי קרא שמו מהר שלל חש בז

⁴ כי בטרם ידע הנער קרא אבי ואמי ישא את חיל דמשק ואת שלל שמרון לפני מלך אשור

⁵ ויוסף יהוה דבר אלי עוד לאמה

⁶יען כי מאס העם הזה את מי השלח ההלכים לאט ומשוש את רצין וכן רמליהו
⁷ולכן הנה אדני מעלה עליהם את מי הנהר העצומים והרבים את מלך אשור ואת כל כבודו ועלה על
כל אפיקיו והלך על כל גדותיו
⁸וחלף ביהודה שטף ועבר עד צואר יגיע והיה מטות כנפיו מלא רחב ארצך עמנו אל
⁹רעו עמים וחתו והאזינו כל מרחקי ארץ התאזרו וחתו התאזרו וחתו
¹⁰עצו עצה ותפר דברו דבר ולא יקום כי עמנו אל
¹¹כי כה אמר יהוה אלי בחזקת היד ויסרני מלכת בדרך העם הזה לאמה
¹²לא תאמרון קשר לכל אשר יאמר העם הזה קשר ואת מוראו לא תיראו ולא תעריצו
¹³את יהוה צבאות אתו תקדישו והוא מוראכם והוא מערצכם
¹⁴והיה למקדש ולאבן נגף ולצור מכשול לשני בתי ישראל לפח ולמוקש ליושב ירושלם
¹⁵וכשלו בם רבים ונפלו ונשברו ונוקשו ונלכדו
¹⁶צור תעודה חתום תורה בלמד!
¹⁷וחכיתי ליהוה המסתיר פניו מבית יעקב וקויתי לו
¹⁸הנה אנכי והילדים אשר נתן לי יהוה לאתות ולמופתים בישראל מעם יהוה צבאות השכן בהר ציון
¹⁹וכי יאמרו אליכם דרשו אל האבות ואל הידענים המצפצפים והמהגים הלוא עם אל אלהיו ידרש
בעד החיים אל המתים
²⁰לתורה ולתעודה אם לא יאמרו כדבר הזה אשר אין לו שחר
²¹ועבר בה נקשה ורעב והיה כי ירעב והתקצף וקלל במלכו ובאלהיו ופנה למעלה
²²ואל ארץ יביט והנה צרה וחשכה מעוף צוקה ואפלה מנדח

הפרק 9

כי לא מועף לאשר מוצק לה כעת הראשון הקל ארצה זבלון וארצה נפתלי והאחרון הכביד דרך הים
עבר הירדן גליל הגוים
²העם ההלכים בחשך ראו אור גדול יושבי בארץ צלמות אור נגה עליהם
³הרבית הגוי לא הגדלת השמחה שמחו לפניך כשמחת בקציר כאשר יגילו בחלקם שלל
⁴כי את על סבלו ואת מטה שכמו שבט הנגש בו החתת כיום מדין
⁵כי כל סאון סאן ברעש ושמלה מגוללה בדמים והיתה לשרפה מאכלת אש
⁶כי ילד ילד לנו בן נתן לנו ותהי המשרה על שכמו ויקרא שמו פלא יועץ אל גבור אביעד שר שלום
⁷למרבה המשרה ולשלום אין קץ על כסא דוד ועל ממלכתו להכין אתה ולסעדה במשפט ובצדקה
מעתה ועד עולם קנאת יהוה צבאות תעשה זאת
⁸דבר שלח אדני ביעקב ונפל בישראל
⁹וידעו העם כלו אפרים ויושב שמרון בגאווה ובגדל לבב לאמה
¹⁰לבנים נפלו וגזית נבנה שקמים גדעו וארזים נחליף
¹¹וישגב יהוה את צרי רצין עליו ואת איביו יסכסך
¹²ארם מקדם ופלשתים מאחור ויאכלו את ישראל בכל פה בכל זאת לא שב אפו ועוד ידו נטויה
¹³והעם לא שב עד המכה ואת יהוה צבאות לא דרשו
¹⁴ויכרת יהוה מישראל ראש זנב כפה ואגמון יום אחד
¹⁵זקן ונשוא פנים הוא הראש ונביא מורה שקר הוא הזנב
¹⁶ויהיו מאשרי העם הזה מתעים ומאשריו מבלעים
¹⁷על כן על בחוריו לא ישמח אדני ואת יתמיו ואת אלמנתיו לא ירחם כי כלו חנף ומרע וכל פה דבר
נבלה בכל זאת לא שב אפו ועוד ידו נטויה
¹⁸כי בערה כאש רשעה שמיר ושית תאכל ותצת בסבכי היער ויתאבכו גאות עשן

¹⁹בעברת יהוה צבאות נעתם ארץ ויהי העם כמאכלת אש איש אל אחיו לא יחמלו
²⁰ויגזר על ימין ורעב ויאכל על שמאול ולא שבעו איש בשר זרעו יאכלו
²¹מנשה את אפרים ואפרים את מנשה יחדו המה על יהודה בכל זאת לא שב אפו ועוד ידו נטויה

הפרק 10

הוּי החקקים חקקי און ומכתבים עמל כתבו
²להטות מדין דלים ולגזל משפט עניי עמי להיות אלמנות שללם ואת יתומים יבזו
³ומה תעשו ליום פקדה ולשוואה ממרחק תבוא על מי תנוסו לעזרה ואנה תעזבו כבודכם
⁴בלתי כרע תחת אסיר ותחת הרוגים יפלו בכל זאת לא שב אפו ועוד ידו נטויה
⁵הוי אשור שבט אפי ומטה הוא בידם זעמ!
⁶בגוי חנף אשלחנו ועל עם עברתי אצונו לשלל שלל ולבז בז ולשימו מרמס כחמר חוצות
⁷והוא לא כן ידמה ולבבו לא כן יחשב כי להשמיד בלבבו ולהכרית גוים לא מעט
⁸כי יאמר הלא שרי יחדו מלכים
⁹הלא ככרכמיש כלנו אם לא כארפד חמת אם לא כדמשק שמרון
¹⁰כאשר מצאה ידי לממלכת האליל ופסיליהם מירושלם ומשמרון
¹¹הלא כאשר עשיתי לשמרון ולאליה כן אעשה לירושלם ולעצביה
¹²והיה כי יבצע אדני את כל מעשהו בהר ציון ובירושלם אפקד על פרי גדל לבב מלך אשור ועל
תפארת רום עיניו
¹³כי אמר בכח ידי עשיתי ובחכמתי כי נבנותי ואסיר גבולת עמים ועתידתיהם שושתי ואוריד כאביר
יושבים
¹⁴ותמצא כקן ידי לחיל העמים וכאסף ביצים עזבות כל הארץ אני אספתי ולא היה נדד כנף ופצה
פה ומצפצף
¹⁵היתפאר הגרזן על החצב בו אם יתגדל המשור על מניפו כהניף שבט את מרימיו כהרים מטה לא
עץ
¹⁶לכן ישלח האדון יהוה צבאות במשמניו רזון ותחת כבדו יקד יקד כיקוד אש
¹⁷והיה אור ישראל לאש וקדושו ללהבה ובערה ואכלה שיתו ושמירו ביום אחד:
¹⁸וכבוד יערו וכרמלו מנפש ועד בשר יכלה והיה כמסס נסס
¹⁹ושאר עץ יערו מספר יהיו ונער יכתבם
²⁰והיה ביום ההוא לא יוסיף עוד שאר ישראל ופליטת בית יעקב להשען על מכהו ונשען על יהוה
קדוש ישראל באמת
²¹שאר ישוב שאר יעקב אל אל גבוה
²²כי אם יהיה עמך ישראל כחול הים שאר ישוב בו כליון חרוץ שוטף צדקה
²³כי כלה ונחרצה אדני יהוה צבאות עשה בקרב כל הארץ
²⁴לכן כה אמר אדני יהוה צבאות אל תירא עמי ישב ציון מאשור בשבט יככה ומטהו ישא עליך בדרך
מצרים
²⁵כי עוד מעט מזער וכלה זעם ואפי על תבליתם
²⁶ועורר עליו יהוה צבאות שוט כמכת מדין בצור עורב ומטהו על הים ונשאו בדרך מצרים
²⁷והיה ביום ההוא יסור סבלו מעל שכמך ועלו מעל צוארך וחבל על מפני שמן
²⁸בא על עית עבר במגרון למכמש יפקיד כליו
²⁹עברו מעברה גבע מלון לנו חרדה הרמה גבעת שאול נסה
³⁰צהלי קולך בת גלים הקשיבי לישא עניה ענתות
³¹נדדה מדמנה ישבי הגבים העיזו

³² עוד היום בנב לעמד ינפף ידו הר בית ציון גבעת ירושלם

³³ הנה האדון יהוה צבאות מסעף פארה במערצה ורמי הקומה גדועים והגבהים ישפלו

³⁴ ונקף סבכי היער בברזל והלבנון באדיר יפול

הפרק 11

יצא חטר מגזע ישי ונצר משרשיו יפרח

² ונחה עליו רוח יהוה רוח חכמה ובינה רוח עצה וגבורה רוח דעת ויראת יהוה

³ והריחו ביראת יהוה ולא למראה עיניו ישפוט ולא למשמע אזניו יוכיח

⁴ ושפט בצדק דלים והוכיח במישור לענוי ארץ והכה ארץ בשבט פיו וברוח שפתיו ימית רשע

⁵ והיה צדק אזור מתניו והאמונה אזור חלציו

⁶ וגר זאב עם כבש ונמר עם גדי ירבץ ועגל וכפיר ומריא יחדו ונער קטן נהג בם

⁷ ופרה ודב תרעינה יחדו ירבצו ילדיהן ואריה כבקר יאכל תבן

⁸ ושעשע יונק על חר פתן ועל מאורת צפעוני גמול ידו הדח

⁹ לא ירעו ולא ישחיתו בכל הר קדשי כי מלאה הארץ דעה את יהוה כמים לים מכסים

¹⁰ והיה ביום ההוא שרש ישי אשר עמד לנס עמים אליו גוים ידרשו והיתה מנחתו כבוד

¹¹ והיה ביום ההוא יוסיף אדני שנית ידו לקנות את שאר עמו אשר ישאר מאשור וממצרים ומפתרוס

ומכוש ומעילם ומשנער ומחמת ומאיי הים

¹² ונשא נס לגוים ואסף נדחי ישראל ונפצות יהודה יקבץ מארבע כנפות הארץ

¹³ וסרה קנאת אפרים וצררי יהודה יכרתו אפרים לא יקנא את יהודה ויהודה לא יצר את אפרים

¹⁴ ועפו בכתף פלשתים ימה יחדו יבזו את בני קדם אדום ומואב משלוח ידם ובני עמון משמעתם

¹⁵ והחרים יהוה את לשון ים מצרים והניף ידו על הנהר בעים רוחו והכהו לשבעה נחלים והדריך

בנעלים

¹⁶ והיתה מסלה לשאר עמו אשר ישאר מאשור כאשר היתה לישראל ביום עלתו מארץ מצרים

הפרק 12

אמרת ביום ההוא אודך יהוה כי אנפת בי ישב אפך ותנחמני

² הנה אל ישועתי אבטח ולא אפחד כי עזי וזמרת יה יהוה ויה לי לישועה

³ ושאתם מים בששון ממעיני הישועה

⁴ ואמרתם ביום ההוא הודו ליהוה קראו בשמו הודיעו בעמים עלילתיו הזכירו כי נשגב שמו

⁵ זמרו יהוה כי גאות עשה מידעת זאת בכל הארץ

⁶ צהלי ורני יושבת ציון כי גדול בקרבך קדוש ישראל

הפרק 13

משא בבל אשר חזה ישעיהו בן אמוץ

² על הר נשפה שאו נס הרימו קול להם הניפו יד ויבאו פתחי נדיבים

³ אני צויתי למקדשי גם קראתי גבורי לאפי עליזי גאותי

⁴ קול המון בהרים דמות עם רב קול שאון ממלכות גוים נאספים יהוה צבאות מפקד צבא מלחמה

⁵ באים מארץ מרחק מקצה השמים יהוה וכלי זעמו לחבל כל הארץ

⁶ הלילו כי קרוב יום יהוה כשד משדי יבוא

⁷ על כן כל ידים תרפינה וכל לבב אנוש ימס

⁸ונבהלו צירים וחבלים יאחזון כילדה יחילון איש אל רעהו יתמהו פני להבים פניהם
⁹הנה יום יהוה בא אכזרי ועברה וחרון אף לשום הארץ לשמה וחטאיה ישמיד ממנה
¹⁰כי כוכבי השמים וכסיליהם לא יהלו אורם חשך השמש בצאתו וירח לא יגיה אורו
¹¹ופקדתי על תבל רעה ועל רשעים עונם והשבתי גאון זדים וגאות עריצים אשפיל
¹²אוקיר אנוש מפז ואדם מכתם אופיה
¹³על כן שמים ארגיז ותרעש הארץ ממקומה בעברת יהוה צבאות וביום חרון אפו
¹⁴והיה כצבי מדח וכצאן ואין מקבץ איש אל עמו יפנו ואיש אל ארצו ינוסו
¹⁵כל הנמצא ידקר וכל הנספה יפול בחרב
¹⁶ועלליהם ירטשו לעיניהם ישסו בתייהם ונשיהם תשגלנה
¹⁷הנני מעיר עליהם את מדי אשר כסף לא יחשבו וזהב לא יחפצו בו
¹⁸וקשתות נערים תרטשנה ופרי בטן לא ירחמו על בנים לא תחוס עינים
¹⁹והיתה בבל צבי ממלכות תפארת גאון כשדים כמהפכת אלהים את סדם ואת עמרה
²⁰לא תשב לנצח ולא תשכן עד דור ודור ולא יהל שם ערבי ורעים לא ירבצו שם
²¹ורבצו שם ציים ומלאו בתייהם אחים ושכנו שם בנות יענה ושעירים ירקדו שם
²²וענה איים באלמנותיו ותנים בהיכלי ענג וקרוב לבוא עתה וימיה לא ימשכו

הפרק 14

כי ירחם יהוה את יעקב ובחר עוד בישראל והניחם על אדמתם ונלוה הגר עליהם ונספחו על בית יעקב
²ולקחום עמים והביאום אל מקומם והתנחלום בית ישראל על אדמת יהוה לעבדים ולשפחות והיו שבים לשביהם ורדו בנגשיהם
³והיה ביום הניח יהוה לך מעצבך ומרגוזך ומן העבדה הקשה אשר עבד בך
⁴ונשאת המשל הזה על מלך בבל ואמרת איך שבת נגש שבתה מדהבך
⁵שבר יהוה מטה רשעים שבט משלים
⁶מכה עמים בעברה מכת בלתי סרה רדה באף גוים מרדף בלי חשך
⁷נחה שקטה כל הארץ פצחו רנה
⁸גם ברושים שמחו לך ארזי לבנון מאז שכבת לא יעלה הכרת עלינו
⁹שאל מתחת רגזה לך לקראת בואך עורר לך רפאים כל עתודי ארץ הקים מכסאותם כל מלכי גוים
¹⁰כלם יענו ויאמרו אליך גם אתה חלית כמונו אלינו נמשלת
¹¹הורד שאל גאוןך המית נבליך תחתיו יצע רמה ומכסיך תולעה
¹²איך נפלת משמים הילל בן שחר נגדעת לארץ חולש על גוים
¹³ואתה אמרת בלבבך השמים אעלה ממעל לכוכבי אל ארים כסאי ואשב בהר מועד בירכתי צפון
¹⁴אעלה על במתי עב אדמה לעליון
¹⁵אך אל שאל תורד אל ירכתי בור
¹⁶ראיך אליך ישגיוחו אליך יתבוננו הזה האיש מרגיז הארץ מרעיש ממלכות
¹⁷שם תבל כמדבר ועריו הרס אסיריו לא פתח ביתה
¹⁸כל מלכי גוים כלם שכבו בכבוד איש בביתו
¹⁹ואתה השלכת מקברך כנצר נתעב לבוש הרגים מטעני חרב יורדי אל אבני בור כפגר מובס
²⁰לא תחד אתם בקבורה כי ארצך שחת עמך הרגת לא יקרא לעולם זרע מרעים
²¹הכינו לבניו מטבח בעון אבותם בל יקמו וירשו ארץ ומלאו פני תבל ערים
²²וקמתי עליהם נאם יהוה צבאות והכרתי לבבל שם ושאר ונין ונכד נאם יהוה
²³ושמתי למורש קפד ואגמי מים וטאטאטיה במטאטא השמד נאם יהוה צבאות

²⁴נשבע יהוה צבאות לאמר אם לא כאשר דמיתי כן היתה וכאשר יעצתי היא תקום
²⁵לשבר אשור בארצי ועל הרי אבוסנו וסר מעליהם עלו וסבלו מעל שכמו יסור
²⁶זאת העצה היעוצה על כל הארץ וזאת היד הנטויה על כל הגוים
²⁷כי יהוה צבאות יעץ ומי יפר וידו הנטויה ומי ישיבנה
²⁸בשנת מות המלך אחז היה המשא הזה
²⁹אל תשמחי פלשת כלך כי נשבר שבט מכך כי משרש נחש יצא צפע ופריו שרף מעופף
³⁰ורעו בכורי דלים ואביונים לבטח ירבצו והמתי ברעב שרשך ושאריתך יהרג
³¹הילילי שער זעקי עיר נמוג פלשת כלך כי מצפון עשן בא ואין בודד במועדיו
³²ומה יענה מלאכי גוי כי יהוה יסד ציון ובה יחסו עניי עמו

הפרק 15

משא מואב כי בליל שדד ער מואב נדמה כי בליל שדד קיר מואב נדמה
²עלה הבית ודיבן הבמות לבכי על נבו ועל מידבא מואב ייליל בכל ראשיו קרחה כל זקן גרועה
³בחוצתיו חגרו שק על גגותיה וברחבתיה כלה ייליל ירד בבכי
⁴ותזעק חשבון ואלעלה עד יהץ נשמע קולם על כן חלצי מואב יריעו נפשו ירעה לו
⁵לבי למואב יזעק בריחה עד צער עגלת שלשיה כי מעלה הלוחית בבכי יעלה בו כי דרך חורנים
זעקת שבר יעערו
⁶כי מי נמרים משמות יהיו כי יבש חציר כלה דשא ירק לא היה
⁷על כן יתרה עשה ופקדתם על נחל הערבים ישאום
⁸כי הקיפה הזעקה את גבול מואב עד אגלים יללתה ובאר אילים יללתה
⁹כי מי דימון מלאו דם כי אשית על דימון נוספות לפליטת מואב אריה ולשארית אדמה

הפרק 16

שלחו כר משל ארץ מסלע מדברה אל הר בת ציון
²והיה כעוף נודד קן משלח תהיינה בנות מואב מעברת לארנון
³הביאו עצה עשו פלילה שיתי כליל צלך בתוך צהרים סתרי נדחים נדד אל תגלי
⁴יגורו בך נדחי מואב הוי סתר למו מפני שודד כי אפס המץ כלה שד תמו רמס מן הארץ
⁵והוכן בחסד כסא וישב עליו באמת באהל דוד שפט ודרש משפט ומהר צדק
⁶שמענו גאון מואב גא מאד גאותו וגאונו ועברתו לא כן בדיו
⁷לכן ייליל מואב למואב כלה ייליל לאשישי קיר חרשת תהגו אך נכאים
⁸כי שדמות חשבון אמלל גפן שבמה בעלי גוים הלמו שרוקיה עד יעזר נגעו תעו מדבר שלחותיה
נטשו עברו ים
⁹על כן אבכה בבכי יעזר גפן שבמה אריוך דמעתי חשבון ואלעלה כי על קיצך ועל קצירך הידד נפל
¹⁰ונאסף שמחה וגיל מן הכרמל ובכרמים לא ירנן לא ירעע יין ביקבים לא ידרך הדרך הידד השבת
¹¹על כן מעי למואב ככנור יהמו וקרבי לקיר חרש
¹²והיה כי נראה כי נלאה מואב על הבמה ובא אל מקדשו להתפלל ולא יוכל
¹³זה הדבר אשר דבר יהוה אל מואב מאז
¹⁴ועתה דבר יהוה לאמר בשלש שנים כשני שכיר ונקלה כבוד מואב בכל ההמון הרב ושאר מעט
מזער לוא כביו

הפרק 17

משא דמשק הנה דמשק מוסר מעיר והיתה מעי מפלה
²עזבות ערי ערער לעדרים תהיינה ורצו ואין מחריד:
³ונשבת מבצר מאפרים וממלכה מדמשק ושאר ארם ככבוד בני ישראל יהיו נאם יהוה צבאות
⁴והיה ביום ההוא ידל כבוד יעקב ומשמן בשרו ירזח
⁵והיה כאסף קציר קמה וזרעו שבלים יקצור והיה כמלקט שבלים בעמק רפאים
⁶ונשאר בו עוללת כנקף זית שנים שלשה גרגרים בראש אמיר ארבעה חמשה בסעפיה פריה נאם
יהוה אלהי ישראל
⁷ביום ההוא ישעה האדם על עשהו ועיניו אל קדוש ישראל תראינה
⁸ולא ישעה אל המזבחות מעשה ידיו ואשר עשו אצבעתיו לא יראה והאשרים והחמנים
⁹ביום ההוא יהיו ערי מעזו כעזובת החרש והאמיר אשר עזבו מפני בני ישראל והיתה שממה
¹⁰כי שכחת אלהי ישעך וצור מעזך לא זכרת על כן תטעי נטעי נעמנים וזמרת זר תזרענו
¹¹ביום נטעך תשגשגי ובבקר זרעך תפריחי נד קציר ביום נחלה וכאב אנוש
¹²הוי המון עמים רבים כהמות ימים יהמיון ושאון לאמים כשאון מים כבירים ישאון
¹³לאמים כשאון מים רבים ישאון וגער בו ונס ממרחק ורדף כמץ הרים לפני רוח וכגלגל לפני סופה
¹⁴לעת ערב והנה בלהה בטרם בקר איננו זה חלק שוסינו וגורל לבזינו

הפרק 18

הוי ארץ צלצל כנפים אשר מעבר לנהרי כוש
²השלח בים צירים ובכלי גמא על פני מים לכו מלאכים קלים אל גוי ממשך ומורט אל עם נורא מן
הוא והלאה גוי קו קו ומבוסה אשר בזאו נהרים ארצו
³כל יושבי תבל ושכני ארץ כנשא נס הרים תראו וכתקע שופר תשמעו
⁴כי כה אמר יהוה אלי אשקוטה ואביטה במכוני כחם צח עלי אור כעב טל בחם קציה
⁵כי לפני קציר כתם פרח ובסר גמל יהיה נצה וכרת הזלזלים במזמרות ואת הנטישות הסיר התז
⁶יעזבו יחדו לעיט הרים ולבהמת הארץ וקץ עליו העיט וכל בהמת הארץ עליו תחרף
⁷בעת ההיא יובל שי ליהוה צבאות עם ממשך ומורט ומעם נורא מן הוא והלאה גוי קו קו ומבוסה
אשר בזאו נהרים ארצו אל מקום שם יהוה צבאות הר ציון

הפרק 19

משא מצרים הנה יהוה רכב על עב קל ובא מצרים ונעו אלילי מצרים מפניו ולבב מצרים ימס
בקרב
²וסכסכתי מצרים במצרים ונלחמו איש באחיו ואיש ברעהו עיר בעיר ממלכה בממלכה
³ונבקה רוח מצרים בקרבו ועצתו אבלע ודרשו אל האלילים ואל האטים ואל האבות ואל הידענים
⁴וסכרתי את מצרים ביד אדנים קשה ומלך עז ימשל בם נאם האדון יהוה צבאות
⁵ונשתו מים מהים ונהר יחרב ויבש
⁶והאזניחו נהרות דללו וחרבו יארי מצור קנה וסוף קמלו
⁷ערות על יאור על פי יאור וכל מזרע יאור ייבש נדף ואיננו
⁸ואנו הדיגים ואבלו כל משליכי ביאור חכה ופרשי מכמרת על פני מים אמללו
⁹ובשו עבדי פשתים שריקות וארגים חור:
¹⁰והיו שתתיה מדכאים כל עשי שכר אגמי נפש
¹¹אך אולים שרי צען חכמי יעצי פרעה עצה נבערה איך תאמרו אל פרעה בן חכמים אני בן מלכי
קדם

¹²אִים אַפּוֹא חֲכַמִּיךְ וַיִּגִּידוּ נָא לָךְ וַיִּדְעוּ מֵהָ יַעֲץ יְהוָה צְבָאוֹת עַל מִצְרַיִם

¹³נֹאֲלוּ שְׂרֵי צֶעַן נִשְׁאָו שְׂרֵי נֶפֶץ הִתְעוּ אֶת מִצְרַיִם פֶּנֶת שַׁבְּתִיָּה

¹⁴יְהוָה מִסֵּךְ בִּקְרֵבָה רוּחַ עֹוִעִים וְהִתְעוּ אֶת מִצְרַיִם בְּכָל מַעֲשָׂהוּ כְהִתְעוֹת שְׁכוֹר בְּקִיָּאוֹ

¹⁵וְלֹא יִהְיֶה לַמִּצְרַיִם מַעֲשֵׂה אֲשֶׁר יַעֲשֶׂה רֹאשׁ וְזִנְבִּי כֹפֶה וְאִגְמוֹן

¹⁶בְּיוֹם הַהוּא יִהְיֶה מִצְרַיִם כְּנָשִׁים וְחָרָד וּפְחָד מִפְּנֵי תִנּוּפֶת יָד יְהוָה צְבָאוֹת אֲשֶׁר הוּא מִנִּיף עֲלֵיו

¹⁷וְהִיֹּתָה אֲדַמַּת יִשְׂרָאֵל לַמִּצְרַיִם לַחְגָּא כָּל אֲשֶׁר יִזְכִּיר אֶתָּה אֱלֹהֵי יִפְחָד מִפְּנֵי עֲצַת יְהוָה צְבָאוֹת אֲשֶׁר הוּא יוֹעֵץ עֲלֵיו

¹⁸בְּיוֹם הַהוּא יִהְיוּ חֲמֵשׁ עָרִים בְּאַרְץ מִצְרַיִם מִדְּבָרוֹת שִׁפְתֵּי כְנָעַן וְנִשְׁבָּעוֹת לַיהוָה צְבָאוֹת עִיר הַהִרָס יֹאמֶר לֹאֲחַת

¹⁹בְּיוֹם הַהוּא יִהְיֶה מִזְבֵּחַ לַיהוָה בְּתוֹךְ אֶרֶץ מִצְרַיִם וּמִצְבֵּה אֲצֵל גְּבוּלָהּ לַיהוָה

²⁰וְהִיָּה לְאוֹת וּלְעֵד לַיהוָה צְבָאוֹת בְּאַרְץ מִצְרַיִם כִּי יִצְעֲקוּ אֶל יְהוָה מִפְּנֵי לַחְצִים וַיִּשְׁלַח לָהֶם מוֹשִׁיעַ וְרַב הַצִּילִים

²¹וְנֹדַע יְהוָה לַמִּצְרַיִם וַיִּדְעוּ מִצְרַיִם אֶת יְהוָה בְּיוֹם הַהוּא וַעֲבָדוּ זִבְחָה וּמִנְחָה וְנִדְּרוּ לַיהוָה וּשְׁלָמוֹ

²²וְנִגְּף יְהוָה אֶת מִצְרַיִם נִגְף וּרְפוּאָה וּשְׁבֹו עַד יְהוָה וְנִעְתָּר לָהֶם וּרְפָאֵם

²³בְּיוֹם הַהוּא תִּהְיֶה מַסְלָה מִמִּצְרַיִם אֲשׁוּרָה וּבֹא אֲשׁוּר בַּמִּצְרַיִם וּמִצְרַיִם בְּאֲשׁוּר וַעֲבָדוּ מִצְרַיִם אֶת אֲשׁוּרָה

²⁴בְּיוֹם הַהוּא יִהְיֶה יִשְׂרָאֵל שְׁלִישִׁיָּה לַמִּצְרַיִם וּלְאֲשׁוּר בִּרְכָה בִּקְרֵב הָאָרֶץ

²⁵אֲשֶׁר בָּרְכוּ יְהוָה צְבָאוֹת לֹאמֹר בְּרוּךְ עַמִּי מִצְרַיִם וּמַעֲשֵׂה יְדֵי אֲשׁוּר וְנַחֲלֹתֵי יִשְׂרָאֵל

הפרק 20

בשְׁנַת בֹּא תִרְתֵּן אֲשִׁדּוּדָה בְּשַׁלַּח אֶתֹו סְרָגוֹן מֶלֶךְ אֲשׁוּר וַיִּלְחַם בְּאֲשִׁדּוּד וַיִּלְכְּדָהּ

²בַּעַת הַהִיא דִּבֶּר יְהוָה בִּיד יִשְׁעִיהוּ בֶן אֲמוּץ לֹאמֹר לָךְ וּפִתַּחַת הַשֶּׁקַּע מֵעַל מַתְנֶיךָ וְנַעֲלֶךְ תַּחֲלָץ מֵעַל רַגְלֶיךָ וַיַּעַשׂ כֵּן הֵלֶךְ עָרוֹם וַיִּחַף

³וַיֹּאמֶר יְהוָה כַּאֲשֶׁר הֵלֶךְ עֲבָדִי יִשְׁעִיהוּ עָרוֹם וַיִּחַף שְׁלֹשׁ שָׁנִים אוֹת וּמוֹפֶת עַל מִצְרַיִם וְעַל כּוֹשׁ

⁴כֵּן יִנְהַג מֶלֶךְ אֲשׁוּר אֶת שְׂבִי מִצְרַיִם וְאֶת גְּלוֹת כּוֹשׁ נְעָרִים וְזִקְנִים עָרוֹם וַיִּחַף וַחֲשׁוּפֵי שֵׁת עֲרוֹת מִצְרַיִם

⁵וַחֲתוּ וּבִשּׁוּ מִכּוֹשׁ מִבְּטָם וּמִן מִצְרַיִם תִּפְאָרְתָם

⁶וַאֲמַר יֹשֵׁב הָאֵי הַזֶּה בְּיוֹם הַהוּא הִנֵּה כֹה מִבְּטָנוֹ אֲשֶׁר נִסְנוּ שֵׁם לַעֲזָרָה לְהַנְצִל מִפְּנֵי מֶלֶךְ אֲשׁוּר וַאֲיִךְ נִמְלֹט אֲנַחְנוּ

הפרק 21

משֶׁא מַדְבַּר יָם כְּסוּפּוֹת בִּנְגֹב לַחֲלָף מִמִּדְבַּר בֹּא מֵאַרְץ נֹרָאָה

²חֲזוֹת קֶשֶׁה הַגֵּד לִי הַבּוֹגֵד בּוֹגֵד וְהַשּׁוֹדֵד שּׁוֹדֵד עָלֵי עֵילָם צוּרֵי מִדֵּי כָּל אֲנַחְתָּה הַשַּׁבְּתִּי

³עַל כֵּן מָלְאוּ מַתְנֵי חֲלַחְלָה צִירִים אַחְזוֹנִי כְצִירֵי יוֹלְדָה נְעוּיִתִי מִשְׁמַע נְבַהֲלֹתִי מֵרָאוֹת

⁴תַּעֲהָ לִבִּי פִלְצוֹת בַּעַתְתָּנִי אֶת נִשְׁף חֲשָׁקִי שֵׁם לִי לַחֲרָדָה

⁵עֶרֶךְ הַשְּׁלַחַן צִפָּה הַצִּפִּית אֲכֹול שְׁתֵּה קוֹמוֹ הַשְּׂרִים מִשְׁחוֹ מִגֵּן

⁶כִּי כֹה אָמַר אֱלֹהֵי אֲדָנִי לָךְ הָעֵמֶד הַמִּצְפָּה אֲשֶׁר יִרְאֶה יִגִּיד

⁷וְרָאָה רֶכֶב צֶמֶד פְּרָשִׁים רֶכֶב חֲמוֹר רֶכֶב גָּמַל וְהַקְּשִׁיב קֶשֶׁב רֶב קֶשֶׁב

⁸וַיִּקְרָא אֲרִיָּה עַל מִצְפֵּה אֲדָנִי אֲנֹכִי עֵמֶד תְּמִיד יוֹמָם וְעַל מִשְׁמַרְתִּי אֲנֹכִי נֹצֵב כָּל הַלִּילּוֹת

⁹וְהִנֵּה זֶה בֹּא רֶכֶב אִישׁ צֶמֶד פְּרָשִׁים וַיַּעַן וַיֹּאמֶר נִפְלָה נִפְלָה בָּבֶל וְכָל פְּסִילֵי אֱלֹהֶיהָ שִׁבֵּר לְאַרְץ

¹⁰מִדְּשֵׁתִי וּבֶן גִּרְנִי אֲשֶׁר שִׁמַּעְתִּי מֵאֵת יְהוָה צְבָאוֹת אֱלֹהֵי יִשְׂרָאֵל הִגַּדְתִּי לָכֶם

¹¹מִשָּׂא דוֹמָה אֱלֵי קֶרֶא מִשְׁעִיר שִׁמֵּר מֵהָ מַלְּיָלָה שִׁמֵּר מֵהָ מַלְּיָלָה מִלִּיל

¹²אמר שמר אתה בקר וגם לילה אם תבעיון בעיו שבו אתיו
¹³משא בערב ביער בערב תלינו ארחות דדנים
¹⁴לקראת צמא התיו מים ישרי ארץ תימא בלחמו קדמו נדד:
¹⁵כי מפני חרבות נדדו מפני חרב נטושה ומפני קשת דרוכה ומפני כבד מלחמה
¹⁶כי כה אמר אדני אלי בעוד שנה כשני שכיר וכלה כל כבוד קדר
¹⁷ושאר מספר קשת גבורי בני קדר ימעטו כי יהוה אלהי ישראל דבר

הפרק 22

משא גיא חזיון מה לך אפוא כי עלית כלך לגגות
²תשאות מלאה עיר הומיה קריה עליזה חלליך לא חללי חרב ולא מתי מלחמה
³כל קציניך נדדו יחד מקשת אסרו כל נמצאיך אסרו יחדו מרחוק ברחו
⁴על כן אמרתי שעו מני אמרר בבכי אל תאיצו לנחמני על שד בת עמי:
⁵כי יום מהומה ומבוסה ומבוכה לאדני יהוה צבאות בגיא חזיון מקרקר קר ושוע אל ההה
⁶ועילם נשא אשפה ברכב אדם פרשים וקיר ערה מגן
⁷ויהי מבחר עמקיך מלאו רכב והפרשים שת שתו השערה
⁸ויגל את מסך יהודה ותבט ביום ההוא אל נשק בית היער
⁹ואת בקיעי עיר דוד ראיתם כי רבו ותקבצו את מי הברכה התחתונה
¹⁰ואת בתי ירושלם ספרתם ותתצו הבתים לבצר החומה
¹¹ומקוה עשיתם בין החמתים למי הברכה הישנה ולא הבטתם אל עשיה ויצרה מרחוק לא ראיתם
¹²ויקרא אדני יהוה צבאות ביום ההוא לבכי ולמספד ולקרחה ולחגר שק
¹³והנה ששון ושמחה הרג בקר ושחט צאן אכל בשר ושתות יין אכול ושתו כי מחר נמות
¹⁴ונגלה באזני יהוה צבאות אם יכפר העון הזה לכם עד תמתון אמר אדני יהוה צבאות
¹⁵כה אמר אדני יהוה צבאות לך בא אל הסכן הזה על שבנא אשר על הבית
¹⁶מה לך פה ומי לך פה כי חצבת לך פה קבר חצבי מרום קברו חקקי בסלע משכן לו
¹⁷הנה יהוה מטלטלך טלטלה גבר ועטך עטח
¹⁸צנוף יצנפך צנפה כדור אל ארץ רחבת ידיים שמה תמות ושמה מרכבות כבודך קלון בית אדניך
¹⁹והדפתיך ממצבך וממעמדך יהרסך
²⁰והיה ביום ההוא וקראתי לעבדי לאלילים בן חלקיהו
²¹והלבשתיו כתנתך ואבנטך אחזקנו וממשלתך אתן בידו והיה לאב ליושב ירושלם ולבית יהודה
²²ונתתי מפתח בית דוד על שכמו ופתח ואין סגר וסגר ואין פתח
²³ותקעתיו יתד במקום נאמן והיה לכסא כבוד לבית אביו
²⁴ותלו עליו כל כבוד בית אביו הצאצאים והצפעות כל כלי הקטן מכלי האגנות ועד כל כלי הנבלים
²⁵ביום ההוא נאם יהוה צבאות תמוש היתד התקועה במקום נאמן ונגדעה ונפלה ונכרת המשא אשר עליה כי יהוה דבר

הפרק 23

משא צר הילילו אניות תרשיש כי שדד מבית מבוא מארץ כתים נגלה למו
²דמו ישרי אי סחר צידון עבר ים מלאון
³ובמים רבים זרע שחר קציר יאור תבואתה ותהי סחר גוים
⁴בושי צידון כי אמר ים מעוז הים לאמר לא חלתי ולא ילדתי ולא גדלתי בחורים רוממתי בתולות
⁵כאשר שמע למצרים יחילו כשמע צה

⁶עברו תרשישה הלילו ישיבי א:
⁷הזאת לכם עליזה מימי קדם קדמתה יבלוה רגליה מרחוק לגוה
⁸מי יעץ זאת על צר המעטירה אשר סחריה שרים כנעניה נכבדי ארץ
⁹יהוה צבאות יעצה לחלל גאון כל צבי להקל כל נכבדי ארץ
¹⁰עברי ארצך כיאר בת תרשיש אין מזח עוד:
¹¹ידו נטה על הים הרגיז ממלכות יהוה צוה אל כנען לשמד מעזניה
¹²ויאמר לא תוסיפי עוד לעלוז המעשקה בתולת בת צידון כתיים קומי עברי גם שם לא ינוח לך
¹³הן ארץ כשדים זה העם לא היה אשור יסדה לציים הקימו בחיניו עררו ארמנותיה שמה למפלה
¹⁴הלילו אניות תרשיש כי שדד מעזכן
¹⁵והיה ביום ההוא ונשכחת צר שבעים שנה כימי מלך אחד מקץ שבעים שנה יהיה לצר כשירת
הזונח
¹⁶קחי כנור סבי עיר זונה נשכחה היטיבי נגן הרבי שיר למען תזכרי:
¹⁷והיה מקץ שבעים שנה יפקד יהוה את צר ושבבה לאתננה וזנתה את כל ממלכות הארץ על פני
האדמה
¹⁸והיה סחרה ואתננה קדש ליהוה לא יאצר ולא יחסן כי לישבים לפני יהוה יהיה סחרה לאכל
לשבעה ולמכסה עתיק

הפרק 24

הנה יהוה בוקק הארץ ובולקה ועוה פניה והפיץ ישיביה
²והיה כעם ככהן כעבד כאדניו כשפחה כגברתה כקונה כמוכר כמלוה כלוה כנשה כאשר נשא בו
³הבוק תבוק הארץ והבוז תבוז כי יהוה דבר את הדבר הזה
⁴אבלה נבלה הארץ אמללה נבלה תבל אמללו מרום עם הארץ
⁵והארץ חנפה תחת ישיביה כי עברו תורת חלפו חק הפרו ברית עולם
⁶על כן אלה אכלה ארץ ויאשמו ישיבי בה על כן חרו ישיבי ארץ ונשאר אנוש מזעה
⁷אבל תירוש אמללה גפן נאנחו כל שמחי לב
⁸שבת משוש תפים חדל שאון עליזים שבת משוש כנוה
⁹בשיר לא ישתו יין ימר שכר לשתי
¹⁰נשברה קרית תהו סגר כל בית מבוא
¹¹צוחה על היין בחוצות ערבה כל שמחה גלה משוש הארץ
¹²נשאר בעיר שמה ושאייה יכת שעה
¹³כי כה יהיה בקרב הארץ בתוך העמים כנקף זית כעוללת אם כלה בצי:
¹⁴המה ישאו קולם ירנו בגאון יהוה צהלו מים
¹⁵על כן בארים כבדו יהוה באיי הים שם יהוה אלהי ישראל
¹⁶מכנף הארץ זמרת שמענו צבי לצדיק ואמר רזי לי רזי לי אוי לי בגדים בגדו ובגד בוגדים בגדו
¹⁷פחד פחת ופח עליך יושב הארץ
¹⁸והיה הנס מקול הפחד יפל אל הפחת והעולה מתוך הפחת ילכד בפח כי ארבות ממרום נפתחו
וירעשו מוסדי ארץ
¹⁹רעה התרעעה הארץ פור התפוררה ארץ מוט התמוטטה ארץ
²⁰נוע תנוע ארץ כשכור והתנוודדה כמלונה וכבד עליה פשעה ונפלה ולא תסיף קום
²¹והיה ביום ההוא יפקד יהוה על צבא המרום במרום ועל מלכי האדמה על האדמה
²²ואספו אספה אסיר על בור וסגרו על מסגר ומרב ימים יפקדו
²³וחפרה הלבנה ובושה החמה כי מלך יהוה צבאות בהר ציון ובירושלם ונגד זקניו כבוד

הפרק 25

א הוה אלהי אתה ארוממך אודה שמך כי עשית פלא עצות מרחוק אמונה אמן¹
²כי שמת מעיר לגל קריה בצורה למפלה ארמון זרים מעיר לעולם לא יבנה
³על כן יכבדוך עם עז קרית גוים עריצים ייראוך
⁴כי היית מעוז לדל מעוז לאביון בצר לו מחסה מזרם צל מחרב כי רוח עריצים כזרם קיה
⁵כחרב בציון שאון זרים תכניע חרב בצל עב זמיר עריצים יענה
⁶ועשה יהוה צבאות לכל העמים בהר הזה משתה שמנים משתה שמרים ממחים שמרים
מזקקים
⁷ובלע בהר הזה פני הלוט הלוט על כל העמים והמסכה הנסוכה על כל הגוים
⁸בלע המות לנצח ומחה אדני יהוה דמעה מעל כל פנים וחרפת עמו יסיר מעל כל הארץ כי יהוה
דבר
⁹ואמר ביום ההוא הנה אלהינו זה קוינו לו ויושיענו זה יהוה קוינו לו נגילה ונשמחה בישועתו
¹⁰כי תנוח יד יהוה בהר הזה ונדוש מואב תחתיו כהדוש מתבן במי מדמנה
¹¹ופרש ידיו בקרבו כאשר יפרש השחה לשחות והשפיל גאותו עם ארבות ידיו
¹²ומבצר משגב חומתיך השח השפיל הגיע לארץ עד עפה

הפרק 26

ב יום ההוא יושר השיר הזה בארץ יהודה עיר עז לנו ישועה ישית חומות וחל
²פתחו שערים ויבא גוי צדיק שמר אמנים
³יצר סמוך תצר שלום שלום כי כך בטוח
⁴בטחו ביהוה עדי עד כי ביה יהוה צור עולמים
⁵כי השח ישבי מרום קריה נשגבה ישפילנה ישפילה עד ארץ יגיענה עד עפה
⁶תרמסנה רגל רגלי עני פעמי דלים
⁷ארח לצדיק מישרים ישר מעגל צדיק תפלס
⁸אף ארח משפטיך יהוה קוינוך לשמך ולזכרך תאות נפש
⁹נפשי אויתיך בלילה אף רוחי בקרבי אשחרך כי כאשר משפטיך לארץ צדק למדו ישבי תבל
¹⁰יחן רשע בל למד צדק בארץ נכחות יעול ובל יראה גאות יהוה
¹¹יהוה רמה ירך בל יחזיון יחזו ויבשו קנאת עם אף אש צריך תאכלם
¹²יהוה תשפת שלום לנו כי גם כל מעשינו פעלת לנו
¹³יהוה אלהינו בעלונם אדנים זולתך לבד כך מזכיר שמך
¹⁴מתים בל יחיו רפאים בל יקמו לכן פקדת ותשמידם ותאבד כל זכר למו
¹⁵יספת לגוי יהוה יספת לגוי נכבדת רחקת כל קצוי ארץ
¹⁶יהוה בצר פקדון צקון לחש מוסרך למו
¹⁷כמו הרה תקריב ללדת תחיל תזעק בחבליה כן היינו מפניך יהוה
¹⁸הרינו חלנו כמו ילדנו רוח ישועת בל נעשה ארץ ובל יפלו ישבי תבל
¹⁹יחיו מתיך נבלתי יקומון הקיצו ורננו שכני עפר כי טל אורת טלך וארץ רפאים תפיל
²⁰לך עמי בא בחדריך וסגר דלתיך בעדך חבי כמעט רגע עד יעבור זעם
²¹כי הנה יהוה יצא ממקומו לפקד עון יושב הארץ עליו וגלתה הארץ את דמיה ולא תכסה עוד על
הרוגיה

הפרק 27

ביום ההוא יפקד יהוה בחרבו הקשה והגדולה והחזקה על לויֹתן נחש ברח ועל לויֹתן נחש עקלתון
והרג את התנין אשר בים
²ביום ההוא כרם חמד ענו לה
³אני יהוה נצרה לרגעים אשקנה פן יפקד עליה לילה ויום אצרנה
⁴חמה אין לי מי יתנני שמיר שית במלחמה אפשרה בה אציֹתנה יחד:
⁵או יחזק במעוזי יעשה שלום לי שלום יעשה לי!
⁶הבאים ישרש יעקב יציץ ופרח ישראל ומלאו פני תבל תנובה
⁷הכמכת מכהו הכהו אם כהרג הרגיו הרג
⁸בסאסאה בשלחה תריבנה הגה ברוחו הקשה ביום קדים
⁹לכן בזאת יכפר עון יעקב וזה כל פרי הסר חטאתו בשומו כל אבני מזבח כאבני גר מנפצות לא יקמו
אשרים וחמנים
¹⁰כי עיר בצורה בדד נוה משלח ונעזב כמדבר שם ירעה עגל ושם ירבץ וכלה סעפיה
¹¹ביבש קצירה תשברנה נשים באות מאירות אותה כי לא עם בינות הוא על כן לא ירחמנו עשהו
ויצרו לא יחננו
¹²והיה ביום ההוא יחבט יהוה משבלת הנהר עד נחל מצרים ואתם תלקטו לאחד אחד בני ישראל
¹³והיה ביום ההוא יתקע בשופר גדול ובאו האבדים בארץ אשור והנדחים בארץ מצרים והשתחוּו
ליהוה בהר הקדש בירושלם

הפרק 28

הוי עטרת גאות שכרי אפרים וציץ נבל צבי תפארתו אשר על ראש גיא שמנים הלומי יין
²הנה חזק ואמץ לאדני כזרם ברד שער קטב כזרם מים כבירים שטפים הניח לארץ ביד:
³ברגלים תרמסנה עטרת גאות שכורי אפרים
⁴והיתה ציצת נבל צבי תפארתו אשר על ראש גיא שמנים כבכורה בטרם קיץ אשר יראה הראה
אותה בעודה בכפו יבלענה
⁵ביום ההוא יהיה יהוה צבאות לעטרת צבי ולצפירת תפארה לשאר עמו
⁶ולרוח משפט ליושב על המשפט ולגבורה משיבי מלחמה שער
⁷וגם אלה ביין שגו ובשכר תעו כהן ונביא שגו בשכר נבלעו מן היין תעו מן השכר שגו בראה פקו
פליליה
⁸כי כל שלחנות מלאו קיא צאה בלי מקום
⁹את מי יורה דעה ואת מי יבין שמועה גמולי מחלב עתיקי משדים
¹⁰כי צו לצו צו לקו לקו זעיר שם זעיר שם
¹¹כי בלעגי שפה ובלשון אחרת ידבר אל העם הזה
¹²אשר אמר אליהם זאת המנוחה הניחו לעיף וזאת המרגעה ולא אבוא שמוע
¹³והיה להם דבר יהוה צו לצו צו לקו לקו זעיר שם זעיר שם למען ילכו וכשלו אחר ונשברו
ונוקשו ונלכדו
¹⁴לכן שמעו דבר יהוה אנשי לצון משלי העם הזה אשר בירושלם
¹⁵כי אמרתם כרתנו ברית את מות ועם שאול עשינו חזה שיט שוטף כי עבר לא יבואנו כי שמנו כזב
מחסנו ובשקר נסתרנו
¹⁶לכן כה אמר אדני יהוה הנני יסד בציון אבן אבן בחן פנת יקרת מוסד מוסד המאמין לא יחיש
¹⁷ושמתי משפט לקו וצדקה למשקלת ויעה ברד מחסה כזב וסתר מים ישטפו
¹⁸וכפר בריֹתכם את מות וחזותכם את שאול לא תקום שוט שוטף כי יעבר והייתם לו למרמס
¹⁹מדי עברו יקח אתכם כי בבקר בבקר יעבר ביום ובלילה והיה רק זועה הבין שמועה
²⁰כי קצר המצע מהשתרע והמסכה צרה כהתכנס

²¹כי כהר פרצים יקום יהוה כעמק בגבעון ירגז לעשות מעשהו זר מעשהו ולעבד עבדתו נכריה עבדתו

²²ועתה אל תתלוצצו פן יחזקו מוסריכם כי כלה ונחרצה שמעתי מאת אדני יהוה צבאות על כל הארץ

²³האזינו ושמעו קולי הקשיבו ושמעו אמרתי:

²⁴הכל היום יחרש החרש לזרע יפתח וישדד אדמתו

²⁵הלוא אם שוה פניה והפיץ קצח וכמן יזרק ושם חטה שורה ושערה נסמן וכסמת גבלתו

²⁶ויסרו למשפט אלהיו יורנו

²⁷כי לא בחרוץ יודש קצח ואופן עגלה על כמן יוסב כי במטה יחבט קצח וכמן בשבט

²⁸לחם יודק כי לא לנצח אדוש ידושנו והמם גלגל עגלתו ופרשיו לא ידקנו

²⁹גם זאת מעם יהוה צבאות יצאה הפליא עצה הגדיל תושיה

הפרק 29

הוי אריאל אריאל קרית חנה דוד ספו שנה על שנה חגים ינקפו

²והציקותי לאריאל והיתה תאניה ואניה והיתה לי כאריאל

³וחניתי כדור עליך וצרתי עליך מצב והקימתי עליך מצרת

⁴ושפלת מארץ תדברי ומעפר תשח אמרתך והיה כאוב מארץ קולך ומעפר אמרתך תצפץ

⁵והיה כאבק דק המון זריך וכמץ עבר המון עריצים והיה לפתע פתאם

⁶מעם יהוה צבאות תפקד ברעם וברעש וקול גדול סופה וסערה ולהב אש אוכלה

⁷והיה כחלום חזון לילה המון כל הגוים הצבאים על אריאל וכל צביה ומצדתה והמציקים לה

⁸והיה כאשר יחלם הרעב והנה אוכל והקיץ וריקה נפשו וכאשר יחלם הצמא והנה שתה והקיץ והנה עיף ונפשו שוקקה כן יהיה המון כל הגוים הצבאים על הר ציון

⁹התמהמהו ותמהו השתעשעו ושעו שכרו ולא יין נעו ולא שכר:

¹⁰כי נסך עליכם יהוה רוח תרדמה ויעצם את עיניכם את הנביאים ואת ראשיכם החזים כסה

¹¹ותהי לכם חזות הכל כדברי הספר החתום אשר יתנו אתו אל יודע הספר לאמר קרא נא זה ואמר לא אוכל כי חתום הוא

¹²ונתן הספר על אשר לא ידע ספר לאמר קרא נא זה ואמר לא ידעתי ספר:

¹³ויאמר אדני יען כי נגש העם הזה בפיו ובשפתי כבדוני ולבו רחק ממני ותהי יראתם אתי מצות אנשים מלמדה

¹⁴לכן הנני יוסף להפליא את העם הזה הפלא ופלא ואבדה חכמת חכמיו ובינת נבניו תסתתה:

¹⁵הוי המעמיקים מיהוה לסתר עצה והיה במחשך מעשיהם ויאמרו מי ראנו ומי יודענו

¹⁶הפככם אם כחמר היצר יחשב כי יאמר מעשה לעשהו לא עשני ויצר אמר ליוצרו לא הבין

¹⁷הלוא עוד מעט מזער ושב לבנון לכרמל והכרמל ליער יחשב

¹⁸ושמעו ביום ההוא החרשים דברי ספר ומאפל ומחשך עיני עורים תראינה

¹⁹ויספו ענוים ביהוה שמחה ואביוני אדם בקדוש ישראל יגילו

²⁰כי אפס עריץ וכלה לץ ונכרתו כל שקדי און

²¹מחטיאי אדם בדבר ולמוכיח בשער יקשון ויטו בתהו צדיק

²²לכן כה אמר יהוה אל בית יעקב אשר פדה את אברהם לא עתה יבוש יעקב ולא עתה פניו יחורו

²³כי בראתו ילדיו מעשה ידי בקרבו יקדישו שמי והקדישו את קדוש יעקב ואת אלהי ישראל יעריצו

²⁴וידעו תעי רוח בינה ורוגנים ילמדו לקח

הפרק 30

ה'וי בנים סוררים נאם יהוה לעשות עצה ולא מני ולנסך מסכה ולא רוחי למען ספות חטאת על חטאת

²ההלכים לרדת מצרים ופי לא שאלו לעוז במעוז פרעה ולחסות בצל מצרים

³והיה לכם מעוז פרעה לבשת והחסות בצל מצרים לכלמה

⁴כי היו בצען שריו ומלאכיו חנס יגיעו

⁵כל הבאיש על עם לא יועילו למו לא לעזר ולא להועיל כי לבשת וגם לחרפה

⁶משא בהמות נגב בארץ צרה וצוקה לביא וליש מהם אפעה ושרף מעופף ישאו על כתף עירים חילהם ועל דבשת גמלים אוצרתם על עם לא יועילו

⁷ומצרים הבל וריק יעזרו לכן קראתי לזאת רהב הם שבת

⁸עתה בוא כתבה על לוח אתם ועל ספר חקה ותהי ליום אחרון לעד עד עולם

⁹כי עם מרי הוא בנים כחשים בנים לא אבו שמוע תורת יהוה

¹⁰אשר אמרו לראים לא תראו ולחזים לא תחזו לנו נכחות דברו לנו חלקות חזו מהתלות

¹¹סורו מני דרך הטו מני ארח השביתו מפנינו את קדוש ישראל

¹²לכן כה אמר קדוש ישראל יען מאסכם בדבר הזה ותבטחו בעשק ונלוז ותשענו עליו

¹³לכן יהיה לכם העון הזה כפרץ נפל נבעה בחומה נשגבה אשר פתאם לפתע יבוא שברה

¹⁴ושברה כשבר נבל יוצרים כתות לא יחמל ולא ימצא במכתתו חרש לחתות אש מיקוד ולחשף מים מגבא

¹⁵כי כה אמר אדני יהוה קדוש ישראל בשובה ונחת תושעון בהשקט ובבטחה תהיה גבורתכם ולא אביתם

¹⁶ותאמרו לא כי על סוס ננוס על כן תנוסון ועל קל נרכב על כן יקלו רדפיכם

¹⁷אלף אחד מפני גערת אחד מפני גערת חמשה תנסו עד אם נותרתם כתרן על ראש ההר וכנס על הגבעה

¹⁸ולכן יחכה יהוה לחננכם ולכן ירום לרחמכם כי אלהי משפט יהוה אשרי כל חוכי לו

¹⁹כי עם בציון ישב בירושלם בכו לא תבכה חנון יחנך לקול זעקך כשמעתו ענך

²⁰ונתן לכם אדני לחם צר ומים לחץ ולא יכנף עוד מוריק והיו עיניך ראות את מוריק

²¹ואזניך תשמענה דבר מאחריך לאמר זה הדרך לכו בו כי תאמינו וכי תשמאלו

²²וטמאתם את צפוי פסילי כספך ואת אפדת מסכת זהבך תזרם כמו דוה צא תאמר לו

²³ונתן מטר זרעך אשר תזרע את האדמה ולחם תבואת האדמה והיה דשן ושמן ירעה מקניך ביום ההוא כר נרחב

²⁴והאלפים והעירים עבדי האדמה בליל חמיץ יאכלו אשר זרה ברכת ובמזרח

²⁵והיה על כל הר גבה ועל כל גבעה נשאה פלגים יבלי מים ביום הרג רב בנפל מגדלים

²⁶והיה אור הלבנה כאור החמה ואור החמה יהיה שבעתים כאור שבעת הימים ביום חבש יהוה את שבר עמו ומחץ מכתו ירפא

²⁷הנה שם יהוה בא ממרחק בער אפו וכבד משאה שפתיו מלאו זעם ולשונו כאש אכלת

²⁸ורוחו כנחל שוטף עד צואר יחצה להנפה גוים בנפת שוא ורסן מתעה על לחיי עמים

²⁹השיר יהיה לכם כליל התקדש חג ושמחת לבב כהולך בחליל לבוא בהר יהוה אל צור ישראל

³⁰והשמיע יהוה את הוד קולו ונחת זרועו יראה בזעף אף ולהב אש אוכלה נפץ וזרם ואבן ברד

³¹כי מקול יהוה יחת אשור בשבט יכח

³²והיה כל מעבר מטה מוסדה אשר יניח יהוה עליו בתפים ובכנרות ובמלחמות תנופה נלחם בה

³³כי ערוך מאתמול תפתה גם הוא למלך הוכן העמיק הרחב מדרתה אש ועצים הרבה נשמת יהוה כנחל גפרית בערה בה

הוי הירדים מצרים לעזרה על סוסים ישענו ויבטחו על רכב כי רב ועל פרשים כי עצמו מאד ולא שעו על קדוש ישראל ואת יהוה לא דרשו² וגם הוא חכם ויבא רע ואת דבריו לא הסיר וקם על בית מרעים ועל עזרת פעלי און³ ומצרים אדם ולא אל וסוסייהם בשר ולא רוח ויהוה יטה ידו וכשל עוזר ונפל עזר ויחדו כלם יכליון⁴ כי כה אמר יהוה אלי כאשר יהגה האריה והכפיר על טרפו אשר יקרא עליו מלא רעים מקולם לא יחת ומהמונם לא יענה כן ירד יהוה צבאות לצבא על הר ציון ועל גבעתה⁵ כצפרים עפות כן יגן יהוה צבאות על ירושלם גנון והציל פסח והמליט⁶ שובו לאשר העמיקו סרה בני ישראל⁷ כי ביום ההוא ימאסון איש אלילי כספו ואלילי זהבו אשר עשו לכם ידיכם חטא⁸ ונפל אשור בחרב לא איש וחרב לא אדם תאכלנו ונס לו מפני חרב ובחוריו למס יהיו⁹ וסלעו ממגור יעבור וחתו מנס שריו נאם יהוה אשר אור לו בציון ותנור לו בירושלם

הפרק 32

הן לצדק ימלך מלך ולשרים למשפט ישרו² והיה איש כמחבא רוח וסתר זרם כפלגי מים בציון כצל סלע כבד בארץ עיפה³ ולא תשעינה עיני ראים ואזני שמעים תקשבנה⁴ ולבב נמהרים יבין לדעת ולשון עלגים תמהר לדבר צחות⁵ לא יקרא עוד לנבל נדיב ולכילי לא יאמר שוע⁶ כי נבל נבלה ידבר ולבו יעשה און לעשות חנף ולדבר אל יהוה תועה להריק נפש רעב ומשקה צמא יחסי⁷ וכלי כליו רעים הוא זמות יעץ לחבל ענוים באמרי שקר ובדבר אביון משפט⁸ ונדיב נדיבות יעץ והוא על נדיבות יקום⁹ נשים שאננות קמנה שמענה קולי בנות בטחות האזנה אמרת¹⁰ ימים על שנה תרגזנה בטחות כי כלה בציר אסף בלי יבוא¹¹ חרדו שאננות רגזה בטחות פשטה וערה וחגורה על חלצים¹² על שדים ספדים על שדי חמד על גפן פריה¹³ על אדמת עמי קוץ שמיר תעלה כי על כל בתי משוש קריה עליזה¹⁴ כי ארמון נטש המון עיר עזב עפל ובחן היה בעד מערות עד עולם משוש פראים מרעה עדרים¹⁵ עד יערה עלינו רוח ממרום והיה מדבר לכרמל וכרמל ליער יחשב¹⁶ ושכן במדבר משפט וצדקה בכרמל תשב¹⁷ והיה מעשה הצדקה שלום ועבדת הצדקה השקט ובטח עד עולם¹⁸ וישב עמי בנוה שלום ובמשכנות מבטחים ובמנוחת שאננות¹⁹ וברד ברדת היער ובשפלה תשפל העיר²⁰ אשריכם זרעי על כל מים משלחי רגל השור והחמור

הפרק 33

הוי שודד ואתה לא שדוד ובוגד ולא בגדו בו כהתמך שודד תושד כנלתך לבגד יבגדו בך² יהוה חננו לך קוינו היה זרעם לבקרים אף ישועתנו בעת צרה³ מקול המון נדדו עמים מרוממתך נפצו גוים⁴ ואסף שללכם אסף החסיל כמשק גבים שוקק בו⁵ נשגב יהוה כי שכן מרום מלא ציון משפט וצדקה

⁶והיה אמונת עתיך חסן ישועת חכמת ודעת יראת יהוה היא אוצרו
⁷הן אראלם צעקו חצה מלאכי שלום מר יבכיו
⁸נשמו מסלות שבת עבר ארח הפר ברית מאס ערים לא חשב אנוש
⁹אבל אמללה ארץ החפיר לבנון קמל היה השרון כערבה ונער בשן וכרמל
¹⁰עתה אקום יאמר יהוה עתה ארומם עתה אנשא
¹¹תהרו חשש תלדו קש רוחכם אש תאכלכם
¹²והיו עמים משרפות שיד קוצים כסוחים באש יצתו
¹³שמעו רחוקים אשר עשיתי ודעו קרובים גברתי:
¹⁴פחדו בציון חטאים אחזה רעדה חנפים מי יגור לנו אש אוכלה מי יגור לנו מוקדי עולם
¹⁵הלך צדקות ודבר מישרים מאס בבצע מעשקות נער כפיו מתמך בשחד אטם אזנו משמע דמים
ועצם עיניו מראות ברע
¹⁶הוא מרומים ישכן מצדות סלעים משגבו לחמו נתן מימיו נאמנים
¹⁷מלך ביפיו תחזינה עיניך תראינה ארץ מרחקים
¹⁸לבך יהגה אימה איה ספר איה שקל איה ספר את המגדלים
¹⁹את עם נועז לא תראה עם עמקי שפה משמוע נלעג לשון אין בינה
²⁰חזה ציון קרית מועדנו עיניך תראינה ירושלם נוה שאנן אהל בל יצען בל יסע יתדתי לנצח וכל
חבליו בל ינתקו
²¹כי אם שם אדיר יהוה לנו מקום נהרים יארים רחבי ידים בל תלך בו אני שיט וצי אדיר לא יעברנו
²²כי יהוה שפטנו יהוה מחקקנו יהוה מלכנו הוא יושיענו
²³נטשו חבליך בל יחזקו כן תרנם בל פרשו נס אז חלק עד שלל מרבה פסחים בזזו בז
²⁴ובל יאמר שכן חליתי העם הישב בה נשא עון

הפרק 34

קרבו גוים לשמע ולאמים הקשיבו תשמע הארץ ומלאה תבל וכל צאצאיה
²כי קצף ליהוה על כל הגוים וחמה על כל צבאם החרימים נתנם לטבח
³וחלליהם ישלכו ופגריהם יעלה באשם ונמסו הרים מדמם
⁴ונמקו כל צבא השמים ונגלו כספר השמים וכל צבאם יבול כנבל עלה מגפן וכנבלת מתאנה
⁵כי רותה בשמים חרבי הנה על אדום תרד ועל עם חרמי למשפט
⁶חרב ליהוה מלאה דם הדשנה מחלב מדם כרים ועתודים מחלב כליות אילים כי זבח ליהוה בבצרה
וטבח גדול בארץ אדום
⁷וירדו ראמים עמם ופרים עם אבירים ורותה ארצם מדם ועפרם מחלב ידשן
⁸כי יום נקם ליהוה שנת שלומים לריב ציון
⁹ונהפכו נחליה לזפת ועפרה לגפרית והיתה ארצה לזפת בערה
¹⁰לילה ויומם לא תכבה לעולם יעלה עשנה מדור לדור תחרב לנצח נצחים אין עבר בה
¹¹וירשוה קאת וקפוד וינשוף וערב ישכנו בה ונטה עליה קו תהו ואבני בהו
¹²חריה ואין שם מלוכה יקראו וכל שריה יהיו אפס
¹³ועלתה ארמנתיה סירים קמוש וחוח במבצריה והיתה נוה תנים חציר לבנות יענה
¹⁴ופגשו ציים את איים ושעיר על רעהו יקרא אך שם הרגיעה לילית ומצאה לה מנוח
¹⁵שמה קננה קפוז ותמלט ובקעה ודגרה בצלה אך שם נקבצו דיות אשה רעותה
¹⁶דרשו מעל ספר יהוה וקראו אחת מהנה לא נעדרה אשה רעותה לא פקדו כי פי הוא צוה ורוחו הוא
קבצן
¹⁷והוא הפיל להן גורל וידו חלקתה להם בקו עד עולם יירשוה לדור ודור ישכנו בה

הפרק 35

¹ ששום מדבר וציה ותגל ערבה ותפרח כחבצלת
² פרח תפרח ותגל אף גילת ורנן כבוד הלבנון נתן לה הדר הכרמל והשרון המה יראו כבוד יהוה הדר אלהינו
³ חזקו ידים רפות וברכים כשלות אמצו
⁴ אמרו לנמהרי לב חזקו אל תיראו הנה אלהיכם נקם יבוא גמול אלהים הוא יבוא וישעכם
⁵ אז תפקחנה עיני עורים ואזני חרשים תפתחנה
⁶ אז ידלג כאיל פסח ותרן לשון אלם כי נבקעו במדבר מים ונחלים בערבה
⁷ והיה השרב לאגם וצמאון למבועי מים בנוה תנים רבצה חציר לקנה וגמא
⁸ והיה שם מסלול ודרך ודרך הקדש יקרא לה לא יעברנו טמא והוא למו הלך דרך ואוילים לא יתעו
⁹ לא יהיה שם אריה ופריץ חיות בל יעלנה לא תמצא שם והלכו גאולים
¹⁰ ופדויי יהוה ישבון ובאו ציון ברנה ושמחת עולם על ראשם ששון ושמחה ישיגו ונסו יגון ואנחה

הפרק 36

¹ יהי בארבע עשרה שנה למלך חזקיהו עלה סנחריב מלך אשור על כל ערי יהודה הבצרות ויתפשם
² וישלח מלך אשור את רב שקה מלכיש ירושלמה אל המלך חזקיהו בחיל כבד ויעמד בתעלת הברכה העליונה במסלת שדה כובס
³ ויצא אליו אליקים בן חלקיהו אשר על הבית ושבנא הספר ויואח בן אסף המזכיר
⁴ ויאמר אליהם רב שקה אמרו נא אל חזקיהו כה אמר המלך הגדול מלך אשור מה הבטחון הזה אשר בטחת
⁵ אמרתי אך דבר שפתים עצה וגבורה למלחמה עתה על מי בטחת כי מרדת בי
⁶ הנה בטחת על משענת הקנה הרצוץ הזה על מצרים אשר יסמך איש עליו ובא בכפו ונקבה כן פרעה מלך מצרים לכל הבטחים עליו
⁷ וכי תאמר אלי אל יהוה אלהינו בטחנו הלוא הוא אשר הסיר חזקיהו את במתיו ואת מזבחתיו ויאמר ליהודה ולירושלם לפני המזבח הזה תשתחוּ
⁸ ועתה התערב נא את אדני המלך אשור ואתנה לך אלפים סוסים אם תוכל לתת לך רכבים עליהם
⁹ ואיך תשיב את פני פחת אחד עבדי אדני הקטנים ותבטח לך על מצרים לרכב ולפרשים
¹⁰ ועתה המבלעדי יהוה עליתי על הארץ הזאת להשחיתה יהוה אמר אלי עלה אל הארץ הזאת והשחיתה
¹¹ ויאמר אליקים ושבנא ויואח אל רב שקה דבר נא אל עבדיך ארמית כי שמעים אנחנו ואל תדבר אלינו יהודית באזני העם אשר על החומה
¹² ויאמר רב שקה האל אדניך ואליך שלחני אדני לדבר את הדברים האלה הלא על האנשים הישבים על החומה לאכל את חראיהם ולשתות את שיניהם עמכם
¹³ ויעמד רב שקה ויקרא בקול גדול יהודית ויאמר שמעו את דברי המלך הגדול מלך אשור
¹⁴ כה אמר המלך אל ישא לכם חזקיהו כי לא יוכל להציל אתכם
¹⁵ ואל יבטח אתכם חזקיהו אל יהוה לאמר הצל יצילנו יהוה לא תנתן העיר הזאת ביד מלך אשור
¹⁶ אל תשמעו אל חזקיהו כי כה אמר המלך אשור עשו אתי ברכה וצאו אלי ואכלו איש גפנו ואיש תאנתו ושתו איש מי בורו
¹⁷ עד באי ולקחתי אתכם אל ארץ כארצכם ארץ דגן ותירוש ארץ לחם וכרמים
¹⁸ פן יסית אתכם חזקיהו לאמר יהוה יצילנו ההצילו אלהי הגוים איש את ארצו מיד מלך אשור
¹⁹ איה אלהי חמת וארפד איה אלהי ספרים וכי הצילו את שמרון מיד
²⁰ מי בכל אלהי הארצות האלה אשר הצילו את ארצם מידי כי יציל יהוה את ירושלם מיד

²¹ויחרישו ולא ענו אתו דבר כי מצות המלך היא לאמר לא תענהו

²²ויבא אליקים בן חלקיהו אשר על הבית ושבנא הסופר ויואח בן אסף המזכיר אל חזקיהו קרועי בגדים ויגידו לו את דברי רב שקה

הפרק 37

ייהי כשמע המלך חזקיהו ויקרע את בגדיו ויתכס בשק ויבא בית יהוח

²וישלח את אליקים אשר על הבית ואת שבנא הסופר ואת זקני הכהנים מתכסים בשקים אל ישעיהו בן אמוץ הנביא

³ויאמרו אליו כה אמר חזקיהו יום צרה ותוכחה ונאצה היום הזה כי באו בנים עד משבר וכח אין ללדה

⁴אולי ישמע יהוה אלהיך את דברי רב שקה אשר שלחו מלך אשור אדניו לחרף אלהים חי והוכיח בדברים אשר שמע יהוה אלהיך ונשאת תפלה בעד השארית הנמצאה

⁵ויבאו עבדי המלך חזקיהו אל ישעיהו

⁶ויאמר אליהם ישעיהו כה תאמרון אל אדניכם כה אמר יהוה אל תירא מפני הדברים אשר שמעת אשר גדפו נערי מלך אשור אותי:

⁷הנני נותן בו רוח ושמע שמועה ושב אל ארצו והפלתיו בחרב בארצו

⁸וישב רב שקה וימצא את מלך אשור נלחם על לבנה כי שמע כי נסע מלכיש

⁹וישמע על תרהקה מלך כוש לאמר יצא להלחם אתך וישמע וישלח מלאכים אל חזקיהו לאמר

¹⁰כה תאמרון אל חזקיהו מלך יהודה לאמר אל ישאך אלהיך אשר אתה בוטח בו לאמר לא תנתן ירושלם ביד מלך אשור

¹¹הנה אתה שמעת אשר עשו מלכי אשור לכל הארצות להחריםם ואתה תנצל

¹²ההצילו אותם אלהי הגוים אשר השחיתו אבותי את גוזן ואת חרן ורצף ובני עדן אשר בתלשה

¹³איה מלך חמת ומלך ארפד ומלך לעיר ספרים הנע ועוז

¹⁴ויקח חזקיהו את הספרים מיד המלאכים ויקראוהו ויעל בית יהוה ויפרשהו חזקיהו לפני יהוה

¹⁵ויתפלל חזקיהו אל יהוה לאמר

¹⁶יהוה צבאות אלהי ישראל ישב הכרבים אתה הוא האלהים לבדך לכל ממלכות הארץ אתה עשית את השמים ואת הארץ

¹⁷הטה יהוה אזנך ושמע פקח יהוה עינך וראה ושמע את כל דברי סנחריב אשר שלח לחרף אלהים ח!

¹⁸אמנם יהוה החריבו מלכי אשור את כל הארצות ואת ארצם

¹⁹ונתן את אלהיהם באש כי לא אלהים המה כי אם מעשה ידי אדם עץ ואבן ויאבדום

²⁰ועתה יהוה אלהינו הושיענו מידו וידעו כל ממלכות הארץ כי אתה יהוה לבדך

²¹וישלח ישעיהו בן אמוץ אל חזקיהו לאמר כה אמר יהוה אלהי ישראל אשר התפללת אלי אל סנחריב מלך אשור

²²זה הדבר אשר דבר יהוה עליו בזה לך לעגה לך בתולת בת ציון אחריו ראש הניעה בת ירושלם

²³את מי חרפת וגדפת ועל מי הרימותה קול ותשא מרום עיניך אל קדוש ישראל

²⁴ביד עבדיך חרפת אדני ותאמר ברב רכבי אני עליתי מרום הרים ירכתי לבנון ואכרת קומת ארזיו מבחר ברשיו ואבוא מרום קצו יער כרמלו

²⁵אני קרתי ושתיתי מים ואחרב בכף פעמי כל יארי מצוה

²⁶הלוא שמעת למרחוק אותה עשיתי מימי קדם ויצרתי עתה הבאתיה ותהי להשאות גלים נצים ערים בצרות

²⁷וישביהן קצרי יד חתו ובשו היו עשב שדה וירק דשא חציר גגות ושדמה לפני קמה

²⁸ושבתך וצאתך ובואך ידעתי ואת התרגוזך אלי!

²⁹ען התרגזך אלי ושאננך עלה באזני ושמתי חחי באפך ומתגי בשפתיך והשיבתיך בדרך אשר באת
בח

³⁰זהו לך האות אכול השנה ספיו ובשנה השנית שחיס ובשנה השלישית זרעו וקצרו ונטעו כרמים
ואכול פרים

³¹ויספה פליטת בית יהודה הנשארה שרש למטה ועשה פרי למעלה

³²כי מירושלם תצא שארית ופליטה מהר ציון קנאת יהוה צבאות תעשה זאת

³³לכן כה אמר יהוה אל מלך אשור לא יבוא אל העיר הזאת ולא יורה שם חץ ולא יקדמנה מגן ולא
ישפך עליה סללה

³⁴בדרך אשר בא בה ישוב ואל העיר הזאת לא יבוא נאם יהוה

³⁵וגנותי על העיר הזאת להושיעה למעני ולמען דוד עבדי!

³⁶ויצא מלאך יהוה ויכה במחנה אשור מאה ושמונים וחמשה אלף וישכימו בבקר והנה כלם פגרים
מתים

³⁷ויסע וילך וישב סנחריב מלך אשור וישב בנינוח

³⁸ויהי הוא משתחוה בית נסרך אלהיו ואדרמלך ושראצר בניו הכהו בחרב והמה נמלטו ארץ אררט
וימלך אסר חדן בנו תחתיו

הפרק 38

בימים ההם חלה חזקיהו למות ויבוא אליו ישעיהו בן אמוץ הנביא ויאמר אליו כה אמר יהוה צו לביתך כי מת אתה ולא תחיה

²ויסב חזקיהו פניו אל הקיר ויתפלל אל יהוה

³וַיֹּאמֶר אָנֹכִי יְהוֹה זָכֹר נָא אֶת אֲשֶׁר הִתְהַלַּכְתִּי לִפְנֵיךָ בְּאֵמֶת וּבְלֵב שָׁלֵם וְהַטּוֹב בְּעֵינֶיךָ עָשִׂיתִי וַיִּבֶךְ חֲזַקְיָהוּ בְּכִי גָדוֹל

⁴וַיְהִי דְבַר יְהוֹה אֶל יִשְׁעִיָּהוּ לֵאמֹר

⁵הֲלוֹךְ וְאָמַרְתָּ אֶל חֲזַקְיָהוּ כֹה אָמַר יְהוֹה אֱלֹהֵי דָוִד אֲבִיךָ שָׁמַעְתִּי אֶת תְּפִלָּתְךָ רֵאִיתִי אֶת דַּמְעָתְךָ הַנְּנִי יוֹסֵף עַל יְמִיךָ חֲמֵשׁ עֶשְׂרֵה שָׁנָה

⁶וּמִכֶּכָּה מֶלֶךְ אֲשׁוּר אֲצִילְךָ וְאֶת הָעִיר הַזֹּאת וּגְנוֹתֶיהָ עַל הָעִיר הַזֹּאת

⁷וְזֶה לָךְ הָאוֹת מֵאֵת יְהוֹה אֲשֶׁר יַעֲשֶׂה יְהוֹה אֶת הַדְּבָר הַזֶּה אֲשֶׁר דִּבֵּר

⁸הַנְּנִי מְשִׁיב אֶת צֶל הַמַּעֲלֹת אֲשֶׁר יֵרְדֶה בַּמַּעֲלֹת אַחֲזָה בַּשֶּׁמֶשׁ אַחֲרֵינִית עֶשֶׂר מַעֲלֹת וְתִשָּׁב הַשֶּׁמֶשׁ עֶשֶׂר מַעֲלֹת בַּמַּעֲלֹת אֲשֶׁר יֵרְדָה

⁹מִכְּתֹב לַחֲזַקְיָהוּ מֶלֶךְ יְהוּדָה בַּחֲלָתוֹ וַיְחִי מִחֲלוֹ

¹⁰אֲנִי אָמַרְתִּי בְּדַמִּי יָמִי אֲלַכָּה בְּשַׁעְרֵי שְׂאוּל פִּקְדַּתִּי יֵתֵר שְׁנוֹתִי

¹¹אָמַרְתִּי לֹא אֶרְאֶה יְהִי בְּאַרְץ הַחַיִּים לֹא אֲבִיט אָדָם עוֹד עִם יוֹשְׁבֵי חֲדָל

¹²דֹּרִי נִסַּע וּנְגַלָּה מִנִּי כֹאֵהֶל רַעִי קִפְדַּתִּי כֹאֲרֵג חַיִּי מִדְּלָה יִבְצַעְנִי מִיּוֹם עַד לֵילָה תִשְׁלִימֵנִי

¹³שְׁוִיתִי עַד בֶּקֶר כֹּאֲרִי כֵן יִשְׁבֵּר כָּל עֲצָמוֹתַי מִיּוֹם עַד לֵילָה תִשְׁלִימֵנִי

¹⁴כִּסּוֹס עֲגוֹר כֵּן אֲצַפֵּץ אֶהְיֶה כִּיּוֹנָה דָּלוּ עֵינַי לְמִרוֹם אֲדִנִּי עֲשָׂקָה לִי עֶרְבָנִי

¹⁵מֶה אֲדַבֵּר וְאָמַר לִי וְהוּא עֹשֶׂה אֲדַדְּהָ כָּל שְׁנוֹתַי עַל מֶר נַפְשִׁי

¹⁶אֲדִנִּי עֲלֵיהֶם יַחֲיוּ וְלִכְלֵל בָּהֶן חַיִּי רוּחִי וְתַחֲלִימֵנִי וְהַחֲיוּ

¹⁷הִנֵּה לְשָׁלוֹם מֶר לִי מֶר וְאֵתָה חֲשַׁקְתָּ נַפְשִׁי מִשְׁחַת בְּלִי כִּי הִשְׁלַכְתָּ אַחֲרַי גּוֹךְ כָּל חֲטָאִי

¹⁸כִּי לֹא שְׂאוּל תוֹדֵךְ מוֹת יִהְיֶה לְךָ לֹא יִשְׁבְּרוּ יוֹרְדֵי בּוֹר אֶל אִמְתֶּךָ

¹⁹חַי חַי הוּא יוֹדֵךְ כְּמוֹנֵי הַיּוֹם אֲב לִבְנִים יוֹדִיעַ אֶל אִמְתֶּךָ

²⁰יְהוֹה לְהוֹשִׁיעַנִי וּנְגַנּוֹתַי נִנְגָן כָּל יְמֵי חַיִּינִי עַל בֵּית יְהוֹה

²¹וַיֹּאמֶר יִשְׁעִיָּהוּ יֵשְׁאוּ דְבַלֶּת תֹּאנִים וַיִּמְרָחוּ עַל הַשְּׁחִין וַיְחִ!

²²וַיֹּאמֶר חֲזַקְיָהוּ מֶה אוֹת כִּי אֶעֱלֶה בֵּית יְהוֹה

הפרק 39

בעת ההיא שלח מרדך בלאדן בן בלאדן מלך בבל ספרים ומנחה אל חזקיהו וישמע כי חלה ויחזק¹
²וישמח עליהם חזקיהו ויראם את בית נכתה את הכסף ואת הזהב ואת הבשמים ואת השמן הטוב
ואת כל בית כליו ואת כל אשר נמצא באצרתיו לא היה דבר אשר לא הראם חזקיהו בביתו ובכל
ממשלתו
³ויבא ישעיהו הנביא אל המלך חזקיהו ויאמר אליו מה אמרו האנשים האלה ומאין יבאו אליך ויאמר
חזקיהו מארץ רחוקה באו אלי מבבל
⁴ויאמר מה ראו בביתך ויאמר חזקיהו את כל אשר בביתי ראו לא היה דבר אשר לא הראיתם
באוצרתי
⁵ויאמר ישעיהו אל חזקיהו שמע דבר יהוה צבאות
⁶הנה ימים באים ונשא כל אשר בביתך ואשר אצרו אבתיך עד היום הזה בבל לא יותר דבר אמר
יהוה
⁷ומבניך אשר יצאו ממך אשר תוליד יקחו והיו סריסים בהיכל מלך בבל
⁸ויאמר חזקיהו אל ישעיהו טוב דבר יהוה אשר דברת ויאמר כי יהיה שלום ואמת בימי

הפרק 40

בחמו נחמו עמי יאמר אלהיכם
²דברו על לב ירושלם וקראו אליה כי מלאה צבאה כי נרצה עונה כי לקחה מיד יהוה כפלים בכל
חטאתיה
³קול קורא במדבר פנו דרך יהוה ישרו בערבה מסלה לאלהינו
⁴כל גיא ינשא וכל הר וגבעה ישפלו והיה העקב למישור והרכסים לבקעה
⁵ונגלה כבוד יהוה וראו כל בשר יחדו כי פי יהוה דבר
⁶קול אמר קרא ואמר מה אקרא כל הבשר חציר וכל חסדו כציץ השדה
⁷יבש חציר נבל ציץ כי רוח יהוה נשבה בו אכן חציר העם
⁸יבש חציר נבל ציץ ודבר אלהינו יקום לעולם
⁹על הר גבה עלי לך מבשרת ציון הרימי בכח קולך מבשרת ירושלם הרימי אל תיראי אמרי לערי
יהודה הנה אלהיכם
¹⁰הנה אדני יהוה בחזק יבוא וזרעו משלה לו הנה שכרו אתו ופעלתו לפניו
¹¹כרעה עדרו ירעה בזרעו יקבץ טלאים ובחיקו ישא עלות ינהל
¹²מי מדד בשעלו מים ושמים בזרת תכן וכל בשלש עפר הארץ ושקל בפלס הרים וגבעות במאזנים
¹³מי תכן את רוח יהוה ואיש עצתו יודיענו
¹⁴את מי נועץ ויבינהו וילמדהו בארח משפט וילמדהו דעת ודרך תבונות יודיענו
¹⁵הן גוים כמר מדלי וכשחק מאזנים נחשבו הן איים כדק יטול
¹⁶ולבנון אין די בער וחיתו אין די עולה
¹⁷כל הגוים כאין נגדו מאפס ותהו נחשבו לו
¹⁸ואל מי תדמיון אל ומה דמות תערכו לו
¹⁹הפסל נסך חרש וצרף בזהב ירקענו ורתקות כסף צורף
²⁰המסכן תרומה עץ לא ירקב יבחר חרש חכם יבקש לו להכין פסל לא ימוט
²¹הלוא תדעו הלוא תשמעו הלוא הגד מראש לכם הלוא הבינתם מוסדות הארץ
²²הישב על חוג הארץ וישביה כחגבים הנוטה כדק שמים וימתחם כאהל לשבת
²³הנותן רוזנים לאין שפטי ארץ כתהו עשה
²⁴אף בל נטעו אף בל זרעו אף בל שרש בארץ גזעם וגם נשף בהם ויבשו וסערה כקש תשאם

²⁵ואל מי תדמיוני ואשוע יאמר קדוש
²⁶שאו מרום עיניכם וראו מי ברא אלה המוציא במספר צבאם לכלם בשם יקרא מרב אונים ואמין
כח איש לא נעדר
²⁷למה תאמר יעקב ותדבר ישראל נסתרה דרכי מיהוה ומאלהי משפטי יעבוע
²⁸הלוא ידעת אם לא שמעת אלהי עולם יהוה בורא קצות הארץ לא ייעף ולא ייגע אין חקר לתבונתו
²⁹נתן ליעף כח ולאין אונים עצמה ירבה
³⁰ויעפו נערים ויגעו ובחורים כשול יכשלו
³¹וקוי יהוה יחליפו כח יעלו אבר כנשרים ירוצו ולא ייגעו ילכו ולא ייעפו

הפרק 41

החרישו אלי איים ולאמים יחליפו כח יגשו אז ידברו יחדו למשפט נקרבה
²מי העיר ממזרח צדק יקראהו לרגלו יתן לפניו גוים ומלכים ירד יתן כעפר חרבו כקש נדף קשתו
³ירדפם יעבור שלום ארח ברגליו לא יבוא
⁴מי פעל ועשה קרא הדרות מראש אני יהוה ראשון ואת אחרנים אני הוא
⁵ראו איים וייראו קצות הארץ יחדו קרבו ויאתיו
⁶איש את רעהו יעזרו ולאחיו יאמר חזק
⁷ויחזק חרש את צרף מחליק פטיש את הולם פעם אמר לדבק טוב הוא ויחזקהו במסמרים לא ימוט
⁸ואתה ישראל עבדי יעקב אשר בחרתיך זרע אברהם אהב!
⁹אשר החזקתיך מקצות הארץ ומאציליה קראתיך ואמר לך עבדי אתה בחרתיך ולא מאסתיו
¹⁰אל תירא כי עמך אני אל תשתע כי אני אלהיך אמצתיך אף עזרתיך אף תמכתיך בימין צדקי
¹¹הן יבשו ויכלמו כל הנחרים בך יהיו כאין ויאבדו אנשי ריבך
¹²תבקשם ולא תמצאם אנשי מצתך יהיו כאין וכאפס אנשי מלחמתך
¹³כי אני יהוה אלהיך מחזיק ימינך האמר לך אל תירא אני עזרתיך
¹⁴אל תיראי תולעת יעקב מתי ישראל אני עזרתיך נאם יהוה וגאלך קדוש ישראל
¹⁵הנה שמתיך למורג חרוץ חדש בעל פיפיות תדוש הרים ותדק וגבעות כמץ תשים
¹⁶תזרם ורוח תשאם וסערה תפיץ אותם ואתה תגיל ביהוה בקדוש ישראל תתהלל
¹⁷העניים והאביונים מבקשים מים ואין לשונם בצמא נשתה אני יהוה אענם אלהי ישראל לא אעזבם
¹⁸אפתח על שפיים נהרות ובתוך בקעות מעינות אשים מדבר לאגם מים וארץ ציה למוצאי מים
¹⁹אתן במדבר ארז שטה והדס ועץ שמן אשים בערבה ברוש תדהר ותאשור יחדו
²⁰למען יראו וידעו וישימו וישכילו יחדו כי יד יהוה עשתה זאת וקדוש ישראל בראה
²¹קרבו ריבכם יאמר יהוה הגישו עצמותיכם יאמר מלך יעקב
²²יגישו ויגידו לנו את אשר תקרינה הראשנות מה הנה הגידו ונשימה לבנו ונדעה אחריתן או הבאות
השמיענו
²³הגידו האתיות לאחר ונדעה כי אלהים אתם אף תיטיבו ותרעו ונשתעה ונרא יחדו
²⁴הן אתם מאין ופעלכם מאפע תועבה יבחר בכם
²⁵העירותי מצפון ויאת ממזרח שמש יקרא בשמי ויבא סגנים כמו חמר וכמו יוצר ירמס טיט
²⁶מי הגיד מראש ונדעה ומלפנים ונאמר צדיק אף אין מגיד אף אין משמיע אף אין שמע אמריכם
²⁷ראשון לציון הנה הנם ולירושלם מבשר אתן
²⁸וארא ואין איש ומאלה ואין יועץ ואשאלם וישיבו דבה
²⁹הן כלם און אפס מעשיהם רוח ותהו נסכיהם

הפרק 42

הן עבדי אתמך בו בחירי רצתה נפשי נתתי רוחי עליו משפט לגוים יוציא² לא יצעק ולא ישא ולא ישמיע בחוץ קולו³ קנה רצון לא ישבור ופשתה כהה לא יכבנה לאמת יוציא משפט⁴ לא יכהה ולא ירוץ עד ישים בארץ משפט ולתורתו איים ייחילו⁵ כה אמר האל יהוה בורא השמים ונוטיהם רקע הארץ וצאצאיה נתן נשמה לעם עליה ורוח להלכים בה⁶ אני יהוה קראתיך בצדק ואחזק בידך ואצרך ואתנך לברית עם לאור גוים⁷ לפקח עינים עורות להוציא ממסגר אסיר מבית כלא ישבי חשך⁸ אני יהוה הוא שמי וכבודי לאחר לא אתן ותהלתי לפסילים⁹ הראשנות הנה באו וחדשות אני מגיד בטרם תצמחנה אשמיע אתכם¹⁰ שירו ליהוה שיר חדש תהלתו מקצה הארץ יורדי הים ומלאו איים וישיביהם¹¹ ישאו מדבר ועריו חצרים תשב קדר ירנו ישבי סלע מראש הרים יצוהו¹² ישימו ליהוה כבוד ותהלתו באיים יגידו¹³ יהוה כגבור יצא כאיש מלחמות יעיר קנאה יריע אף יצריח על איביו יתגבה¹⁴ החשיתי מעולם אחריש אתאפק כיולדה אפעה אשם ואשאף יחד:¹⁵ אחריב הרים וגבעות וכל עשבם אוביש ושמתי נהרות לאיים ואגמים אוביש¹⁶ והולכתי עורים בדרך לא ידעו בנתיבות לא ידעו אדריכם אשים מחשך לפניהם לאור ומעקשים למישור אלה הדברים עשיתם ולא עזבתם¹⁷ נסגו אחור יבשו בשת הבטחים בפסל האמרים למסכה אתם אלהינו¹⁸ החרשים שמעו והעורים הביטו לראות¹⁹ מי עור כי אם עבדי וחרש כמלאכי אשלח מי עור כמשלם ועור כעבד יהוה²⁰ ראית רבות ולא תשמר פקוח אזנים ולא ישמע²¹ יהוה חפץ למען צדקו יגדיל תורה ויאדיה²² והוא עם בזוז ושסוי הפח בחורים כלם ובבתי כלאים החבאו היו לבז ואין מציל משסה ואין אמר השב²³ מי בכם יאזין זאת יקשב וישמע לאחור²⁴ מי נתן למשוסה יעקב וישראל לבזים הלוא יהוה זו חטאנו לו ולא אבו בדרכיו הלך ולא שמעו בתורתו²⁵ וישפך עליו חמה אפו ועזוז מלחמה ותלהטהו מסביב ולא ידע ותבער בו ולא ישים על לב

הפרק 43

עתה כה אמר יהוה בראך יעקב ויצרך ישראל אל תירא כי גאלתיך קראתי בשמך לי אתה² כי תעבר במים אתך אני ובנהרות לא ישטפון כי תלך במו אש לא תכוה ולהבה לא תבער בך³ כי אני יהוה אלהיך קדוש ישראל מושיעך נתתי כפרך מצרים כוש וסבא תחתך⁴ מאשר יקרת בעיני נכבדת ואני אהבתיך ואתן אדם תחתך ולאמים תחת נפשך⁵ אל תירא כי אתך אני ממזרח אביא זרעך וממערב אקבצך⁶ אמר לצפון תני ולתימן אל תכלאי הביאי בני מרחוק ובנותי מקצה הארץ⁷ כל הנקרא בשמי ולכבודי בראתיו יצרתיו אף עשיתיו⁸ הוציא עם עור ועינים יש וחרשים ואזנים למו⁹ כל הגוים נקבצו יחדו ויאספו לאמים מי בהם יגיד זאת וראשנות ישמיענו יתנו עדיהם ויצדקו וישמעו ויאמרו אמת¹⁰ אתם עדי נאם יהוה ועבדי אשר בחרתי למען תדעו ותאמינו לי ותבינו כי אני הוא לפני לא נוצר אל

ואחרי לא יהיה

¹¹אנכי אנכי יהוה ואין מבלעדי מושיע

¹²אנכי הגדתי והושעתי והשמעתי ואין בכם זר ואתם עדי נאם יהוה ואני אל

¹³גם מיום אני הוא ואין מידי מציל אפעל ומי ישיבנה

¹⁴כה אמר יהוה גאלכם קדוש ישראל למענכם שלחתי בבלה והורדתי בריחים כלם וכשדים באניות רנתם

¹⁵אני יהוה קדושכם בורא ישראל מלככם

¹⁶כה אמר יהוה הנותן בים דרך ובמים עזים נתיבה

¹⁷המוציא רכב וסוס חיל ועוזו יחדו ישכבו בל יקומו דעכו כפשתה כבו

¹⁸אל תזכרו ראשנות וקדמניות אל תתבננו

¹⁹הנני עשה חדשה עתה תצמח הלוא תדעוה אף אשים במדבר דרך בישמון נהרות

²⁰תכבדני חית השדה תנים ובנות יענה כי נתתי במדבר מים נהרות בישימן להשקות עמי בחירי

²¹עם זו יצרתי לי תהלתי יספרו

²²ולא אתי קראת יעקב כי יגעת בי ישראל

²³לא הביאת לי שם עלתיך וזבחיך לא כבדתי לא העבדתיך במנחה ולא הוגעתך בלבונה

²⁴לא קנית לי בכסף קנה וחלב זבחיך לא הרויתני אך העבדתי בחטאותיך הוגעתני בעונתיך

²⁵אנכי אנכי הוא מחה פשעיך למעני וחטאתיך לא אזכר

²⁶הזכירני נשפטה יחד ספר אתה למען תצדק

²⁷אביך הראשון חטא ומליציך פשעו בי

²⁸ואחלל שרי קדש ואתנה לחרם יעקב וישראל לגדופים

הפרק 44

עתה שמע יעקב עבדי וישראל בחרתי בו

²כה אמר יהוה עשך ויצרך מבטן יעזרך אל תירא עבדי יעקב וישרון בחרתי בו

³כי אצק מים על צמא ונזלים על יבשה אצק רוחי על זרעך וברכתי על צאצאיך

⁴וצמחו בבין חציר כערבים על יבלי מים

⁵זה יאמר ליהוה אני וזה יקרא בשם יעקב וזה יכתב ידו ליהוה ובשם ישראל יכנה

⁶כה אמר יהוה מלך ישראל וגאלו יהוה צבאות אני ראשון ואני אחרון ומבלעדי אין אלהים

⁷ומי כמוני יקרא ויגידה ויערכה לי משומי עם עולם ואתיות ואשר תבאנה יגידו למו

⁸אל תפחדו ואל תהרו הלא מאז השמעתיך והגדתי ואתם עדי היש אלוה מבלעדי ואין צור בל ידעתי

⁹יצרי פסל כלם תהו וחמודיהם בל יועילו ועדיהם המה בל יראו ובל ידעו למען יבשו

¹⁰מי יצר אל ופסל נסך לבלתי הועיל

¹¹הן כל חבריו יבשו וחרשים המה מאדם יתקבצו כלם יעמדו יפחדו יבשו יחד

¹²חרש ברזל מעצד ופעל בפחם ובמקבות יצרהו ויפעלהו בזרוע כחו גם רעב ואין כח לא שתה מים

וייעף

¹³חרש עצים נטה קו יתארהו בשרד יעשהו במקצעות ובמחוגה יתארהו ויעשהו כתבנית איש

כתפארת אדם לשבת בית

¹⁴לכרת לו ארזים ויקח תרזה ואלון ויאמץ לו בעצי יער נטע ארן וגשם יגדל

¹⁵והיה לאדם לבער ויקח מהם ויחם אף ישיק ואפה לחם אף יפעל אל וישתחו עשהו פסל ויסגד למו

¹⁶חציו שרף במו אש על חציו בשר יאכל יצלה צלי וישבע אף יחם ויאמר האח חמותי ראיתי אוה

¹⁷ושארתו לאל עשה לפסלו יסגוד לו וישתחו ויתפלל אליו ויאמר הצילני כי אלי אתה

¹⁸לא ידעו ולא יבינו כי טח מראות עיניהם מהשכיל לבתם

¹⁹ ולא ישיב אל לבו ולא דעת ולא תבונה לאמר חציו שרפתי במו אש ואף אפיתי על גחליו לחם אצלה בשר ואכל ויתרו לתועבה אעשה לבול עץ אסגוד:
²⁰ רעה אפר לב הותל הטוה ולא יציל את נפשו ולא יאמר הלוא שקר בימיני:
²¹ זכר אלה יעקב וישראל כי עבדי אתה יצרתיו עבד לי אתה ישראל לא תנשני:
²² מחיתי כעב פשעיך וכענן חטאותיך שובה אלי כי גאלתיך:
²³ רנו שמים כי עשה יהוה הריעו תחתיות ארץ פצחו הרים רנה יער וכל עץ בו כי גאל יהוה יעקב ובישראל יתפאר:
²⁴ כה אמר יהוה גאלך ויצרך מבטן אנכי יהוה עשה כל נטה שמים לבדי רקע הארץ מי אתי:
²⁵ מפר אתות בדים וקסמים יהולל משיב חכמים אחור ודעתם ישכל:
²⁶ מקים דבר עבדו ועצת מלאכיו ישלים האמר לירושלם תושב ולערי יהודה תבנינה וחרבותיה אקומם:
²⁷ האמר לצולה חרבי ונהרתיך אוביש:
²⁸ האמר לכורש רעי וכל חפצי ישלם ולאמר לירושלם תבנה והיכל תוסד:

הפרק 45

כה אמר יהוה למשיחו לכורש אשר החזקתי בימינו לרד לפניו גוים ומתני מלכים אפתח לפתח לפניו דלתים ושערים לא יסגרו:
² אני לפניך אלך והדורים אושר דלתות נחושה אשבר ובריחי ברזל אגדע:
³ ונתתי לך אוצרות חשך ומטמני מסתרים למען תדע כי אני יהוה הקורא בשמך אלהי ישראל:
⁴ למען עבדי יעקב וישראל בחירי ואקרא לך בשמך אכנך ולא ידעתני:
⁵ אני יהוה ואין עוד זולתי אין אלהים אאזרך ולא ידעתני:
⁶ למען ידעו ממזרח שמש וממערבה כי אפס בלעדי אני יהוה ואין עוד:
⁷ יוצר אור ובורא חשך עשה שלום ובורא רע אני יהוה עשה כל אלה:
⁸ הרעיפו שמים ממעל ושחקים יזלו צדק תפתח ארץ ויפרו ישע וצדקה תצמיח יחד אני יהוה בראתי:
⁹ הוי רב את יצרו חרש את חרשי אדמה היאמר חמר ליצרו מה תעשה ופעלך אין ידיים לו:
¹⁰ הוי אמר לאב מה תוליד ולאשה מה תחילין:
¹¹ כה אמר יהוה קדוש ישראל ויצרו האתיות שאלוני על בני ועל פעל ידי תצוני:
¹² אנכי עשיתי ארץ ואדם עליה בראתי אני ידי נטו שמים וכל צבאם צויתי:
¹³ אנכי העירתיהו בצדק וכל דרכיו אישר הוא יבנה עירי וגלותי ישלח לא במחיר ולא בשחד אמר יהוה צבאות:
¹⁴ כה אמר יהוה יגיע מצרים וסחר כוש וסבאים אנשי מדה עליך יעברו ולך יהיו אחריך ילכו בזקים יעברו ואליך ישתחוו אליך יתפללו אך בך אל ואין עוד אפס אלהים:
¹⁵ אכן אתה אל מסתתר אלהי ישראל מושיע:
¹⁶ בושו וגם נכלמו כלם יחדו הלכו בכלמה חרשי צירים:
¹⁷ ישראל נושע ביהוה תשועת עולמים לא תבשו ולא תכלמו עד עולמי עד:
¹⁸ כי כה אמר יהוה בורא השמים הוא האלהים יצר הארץ ועשה הוא כוננה לא תהו בראה לשבת יצרה אני יהוה ואין עוד:
¹⁹ לא בסתר דברתי במקום ארץ חשך לא אמרתי לזרע יעקב תהו בקשוני אני יהוה דבר צדק מגיד מישרים:
²⁰ הקבצו ובאו התנגשו יחדו פליטי הגוים לא ידעו הנשאים את עץ פסלם ומתפללים אל אל לא יושיע:
²¹ הגידו והגישו אף יועצו יחדו מי השמיע זאת מקדם מאז הגידה הלוא אני יהוה ואין עוד אלהים מבלעדי אל צדיק ומושיע אין זולתי:

²²פנו אלי והושעו כל אפסי ארץ כי אני אל ואין עוד:
²³בי נשבעתי יצא מפי צדקה דבר ולא ישוב כי לי תכרע כל ברך תשבע כל לשון
²⁴אך ביהוה לי אמר צדקות ועז עדין יבוא ויבשו כל הנחרים בו
²⁵ביהוה יצדקו ויתהללו כל זרע ישראל

הפרק 46

רע בל קרס נבו היו עצביהם לחיה ולבהמה נשאתיכם עמוסות משא לעיפה
²קרסו כרעו יחדו לא יכלו מלט משא ונפשם בשבי הלכה
³שמעו אלי בית יעקב וכל שארית בית ישראל העמסים מני בטן הנשאים מני רחם
⁴ועד זקנה אני הוא ועד שיבה אני אסבל אני עשיתי ואני אשא ואני אסבל ואמלט
⁵למי תדמיוני ותשוו ותמשלוני ונדמה
⁶הזלים זהב מכיס וכסף בקנה ישקלו ישכרו צורף ויעשהו אל יסגדו אף ישתחוו
⁷ישאוו על כתף יסבלו ויניחו תחתיו ויעמד ממקומו לא ימיש אף יצעק אליו ולא יענה מצרתו לא
יושיענו
⁸זכרו זאת והתאששו השיבו פושעים על לב
⁹זכרו ראשנות מעולם כי אנכי אל ואין עוד אלהים ואפס כמוני:
¹⁰מגיד מראשית אחרית ומקדם אשר לא נעשו אמר עצתי תקום וכל חפצי אעשה
¹¹קרא ממזרח עיט מארץ מרחק איש עצתו אף דברתי אף אביאנה יצרתי אף אעשנה
¹²שמעו אלי אבירי לב הרחוקים מצדקת
¹³קרבותי צדקתי לא תרחק ותשועתי לא תאחר ונתתי בציון תשועה לישראל תפארת!

הפרק 47

רדי ושבי על עפר בתולת בת בבל שבי לארץ אין כסא בת כשדים כי לא תוסיפי יקראו לך רכה
וענגה
²קחי רחים וטחני קמח גלי צמתך חשפי שבל גלי שוק עברי נהרות
³תגל ערותך גם תראה חרפתך נקם אקח ולא אפגע אדם
⁴גאלנו יהוה צבאות שמו קדוש ישראל
⁵שבי דומם ובאי בחשך בת כשדים כי לא תוסיפי יקראו לך גברת ממלכות
⁶קצפתי על עמי חללתי נחלתי ואתנם בידך לא שמת להם רחמים על זקן הכבדת עלך מאד:
⁷ותאמרי לעולם אהיה גברת עד לא שמת אלה על לבך לא זכרת אחריתך
⁸ועתה שמעי זאת עדינה היושבת לבטח האמרה בלבבה אני ואפסי עוד לא אשב אלמנה ולא אדע
שכול
⁹ותבאנה לך שתי אלה רגע ביום אחד שכול ואלמן כתמם באו עליך ברב כשפך בעצמת חבריך
מאד:
¹⁰ותבטחי ברעתך אמרת אין ראני חכמתך ודעתך היא שובבתך ותאמרי בלבך אני ואפסי עוד:
¹¹ובא עליך רעה לא תדעי שחרה ותפל עליך הוה לא תוכלי כפרה ותבא עליך פתאם שואה לא
תדעי:
¹²עמדי נא בחבריך וברב כשפך באשר יגעת מנעוריך אולי תוכלי הועיל אולי תערוצי:
¹³נלאית ברב עצתיך יעמדו נא ויושיעך הברו שמים החזים בכוכבים מודיעם לחדשים מאשר יבאו

עליך

¹⁴הנה היו כקש אש שרפתם לא יצילו את נפשם מיד להבה אין גחלת לחמם אור לשבת נגדו

¹⁵כן היו לך אשר יגעת סחרך מנעורך איש לעברו תעו אין מושיעך

הפרק 48

שמעו זאת בית יעקב הנקראים בשם ישראל וממי יהודה יצאו הנשבעים בשם יהוה ובאלהי ישראל יזכירו לא באמת ולא בצדקה

²כי מעיר הקדש נקראו ועל אלהי ישראל נסמכו יהוה צבאות שמו

³הראשנות מאז הגדתי ומפי יצאו ואשמיעם פתאם עשיתי ותבאנה

⁴מדעתי כי קשה אתה וגיד ברזל ערפך ומצחך נחושה

⁵ואגיד לך מאז בטרם תבוא השמעתך פן תאמר עצבי עשם ופסלי ונסכי צום

⁶שמעת חזה כלה ואתם הלוא תגידו השמעתך חדשות מעתה ונצרות ולא ידעתם

⁷עתה נבראו ולא מאז ולפני יום ולא שמעתם פן תאמר הנה ידעתין

⁸גם לא שמעת גם לא ידעת גם מאז לא פתחה אזנך כי ידעתי בגוד תבגוד ופשע מבטן קרא לך

⁹למען שמי אאריך אפי ותהלתי אחטם לך לבלתי הכריתך

¹⁰הנה צרפתיך ולא בכסף בחרתיך בכור עני!

¹¹למעני למעני אעשה כי איך יחל וכבודי לאחר לא אתן

¹²שמע אלי יעקב וישראל מקראי אני הוא אני ראשון אף אני אחרון

¹³אף ידי יסדה ארץ וימיני טפחה שמים קרא אני אליהם יעמדו יחדו

¹⁴הקבצו כלכם ושמעו מי בהם הגיד את אלה יהוה אהבו יעשה חפצו בבבל וזרעו כשדים

¹⁵אני אני דברתי אף קראתיו הביאתיו והצליח דרכו

¹⁶קרבו אלי שמעו זאת לא מראש בסתר דברתי מעת היותה שם אני ועתה אדני יהוה שלחני ורוחו

¹⁷כה אמר יהוה גאלך קדוש ישראל אני יהוה אלהיך מלמדך להועיל מדריךך בדרך תלך

¹⁸לוא הקשבת למצותי ויהי כנהר שלומך וצדקתך כגלי הים

¹⁹ויהי כחול זרעך וצאצאי מעיך כמעתי לא יכרת ולא ישמד שמו מלפני

²⁰צאו מבבל ברחו מכשדים בקול רנה הגידו השמיעו זאת הוציאוה עד קצה הארץ אמרו גאל יהוה עבדו יעקב

²¹ולא צמאו בחרבות הולכים מים מצור הזיל למו ויבקע צור ויזבו מים

²²אין שלום אמר יהוה לרשעים

הפרק 49

שמעו איום אלי והקשיבו לאמים מרחוק יהוה מבטן קראני ממעי אמי הזכיר שמי!

²וישם פי כחרב חדה בצל ידו החביאני וישימני לחץ ברור באשפתו הסתירני!

³ויאמר לי עבדי אתה ישראל אשר בך אתפאה

⁴ואני אמרתי לריק יגעתי לתהו והבל כחי כליתי אכן משפטי את יהוה ופעלתי את אלה!

⁵ועתה אמר יהוה יצרי מבטן לעבד לו לשובב יעקב אליו וישראל לא יאסף ואכבד בעיני יהוה ואלהי היה עז!

⁶ויאמר נקל מהיותך לי עבד להקים את שבטי יעקב ונצירי ישראל להשיב ונתתיך לאור גוים להיות ישועתי עד קצה הארץ

⁷כה אמר יהוה גאל ישראל קדושו לבזה נפש למתעב גוי לעבד משלים מלכים יראו וקמו שרים

וישתחו למען יהוה אשר נאמן קדש ישראל ויבחרך

⁸כה אמר יהוה בעת רצון עניתיך וביום ישועה עזרתיך ואצרך ואתנך לברית עם להקים ארץ להנחיל

נחלות שממות

⁹לאמר לאסורים צאו לאשר בחשך הגלו על דרכים ירעו ובכל שפיים מרעיתם
¹⁰לא ירעבו ולא יצמאו ולא יכם שרב ושמש כי מרחמם ינהגם ועל מבועי מים ינהלם
¹¹ושמתי כל הרי לדרך ומסלתי ירמון
¹²הנה אלה מרחוק יבאו והנה אלה מצפון ומים ואלה מארץ סינים
¹³רנו שמים וגילי ארץ יפצחו הרים רנה כי נחם יהוה עמו ועניו ירחם
¹⁴ותאמר ציון עזבני יהוה ואדני שכחני!
¹⁵התשכח אשה עולה מרחם בן בטנה גם אלה תשכחנה ואנכי לא אשכחך
¹⁶הן על כפים חקתיך חומתיך נגדי תמיד:
¹⁷מהרו בניך מהרסיך ומחרביך ממך יצאו
¹⁸שאי סביב עיניך וראי כלם נקבצו באו לך חי אני נאם יהוה כי כלם כעדי תלבשי ותקשרים ככלה
¹⁹כי חרבתיך ושממתיך וארץ הרסתיך כי עתה תצרי מיושב ורחקו מבלעיך:
²⁰עוד יאמרו באזניך בני שכליך צר לי המקום גשה לי ואשבה
²¹ואמרת בלבבך מי ילד לי את אלה ואני שכולה וגלמודה גלה וסורה ואלה מי גדל הן אני נשארתי
לבדי אלה איפה הם
²²כה אמר אדני יהוה הנה אשא אל גוים ידי ואל עמים ארים נסי והביאו בניך בחצן ובנתיך על כתף
תנשאנה
²³והיו מלכים אמניך ושרותיהם מיניקתיך אפים ארץ ישתחוו לך ועפר רגליך ילחכו וידעת כי אני יהוה
אשר לא יבשו קו!
²⁴היקח מגבור מלקוח ואם שבי צדיק ימלט
²⁵כי כה אמר יהוה גם שבי גבור יקח ומלקוח עריך ימלט ואת יריבך אנכי אריב ואת בניך אנכי אושיע
²⁶והאכלתי את מוניך את בשרם וכעסיס דמם ישכרון וידעו כל בשר כי אני יהוה מושיעך וגאלך אביר
יעקב

הפרק 50

כה אמר יהוה אי זה ספר כריתות אמכם אשר שלחתי או מי מנושי אשר מכרתי אתכם לו הן
בעונתיכם נמכרתם ובפשעיכם שלחה אמכם
²מדוע באתי ואין איש קראתי ואין עונה הקצור קצרה ידי מפדות ואם אין בי כח להציל הן בגערתי
אחריב ים אשים נהרות מדבר תבאש דגתם מאין מים ותמת בצמא
³אלביש שמים קדרות ושק אשים כסותם
⁴אדני יהוה נתן לי לשון למודים לדעת לעות את יעף דבר יעיר בבקר בבקר יעיר לי און לשמע
כלמודים
⁵אדני יהוה פתח לי און ואנכי לא מריתי אחור לא נסוגתי:
⁶גוי נתתי למכים ולחיי למרטים פני לא הסתרתי מכלמות ורק
⁷ואדני יהוה יעזר לי על כן לא נכלמתי על כן שמתי פני כחלמיש ואדע כי לא אבוש
⁸קרוב מצדיקי מי יריב אתי נעמדה יחד מי בעל משפטי יגש אלי!
⁹הן אדני יהוה יעזר לי מי הוא ירשיעני הן כלם כבגד יבלו עש יאכלם
¹⁰מי בכם ירא יהוה שמע בקול עבדו אשר הלך חשכים ואין נגה לו יבטח בשם יהוה וישען באלהיו
¹¹הן כלכם קדחי אש מאזרי זיקות לכו באור אשכם ובזיקות בערתם מידי היתה זאת לכם למעצבה
תשכבון

הפרק 51

שמעו אלי רדפי צדק מבקשי יהוה הביטו אל צור חצבתם ואל מקבת בור נקרתם
²הביטו אל אברהם אביכם ואל שרה תחוללכם כי אחד קראתיו ואברכהו וארבהו
³כי נחם יהוה ציון נחם כל חרבתיה וישם מדברה כעדן וערבתה כגן יהוה ששון ושמחה ימצא בה
תודה וקול זמרה
⁴הקשיבו אלי עמי ולאומי אלי האזינו כי תורה מאתי תצא ומשפטי לאור עמים ארגיע
⁵קרוב צדקי יצא ישעי וזרעי עמים ישפטו אלי איים יקוו ואל זרעי ייחלון
⁶שאו לשמים עיניכם והביטו אל הארץ מתחת כי שמים כעשן נמלחו והארץ כבגד תבלה וישביה כמו
כן ימותון וישועתי לעולם תהיה וצדקתי לא תחת
⁷שמעו אלי ידעי צדק עם תורתי בלבם אל תיראו חרפת אנוש ומגדפתם אל תחתו
⁸כי כבגד יאכלם עש וכצמר יאכלם סס וצדקתי לעולם תהיה וישועתי לדור דורים
⁹עורי עורי לבשי עז זרוע יהוה עורי כימי קדם דרות עולמים הלוא את היא המחצבת רהב מחוללת
תנין
¹⁰הלוא את היא המחרבת ים מי תהום רבה השמה מעמקי ים דרך לעבר גאולים
¹¹ופדויי יהוה ישובון ובאו ציון ברנה ושמחת עולם על ראשם ששון ושמחה ישיגון נסו יגון ואנחה
¹²אנכי אנכי הוא מנחמכם מי את ותיראי מאנוש ימות ומבן אדם חציר ינתן
¹³ותשכח יהוה עשך נוטה שמים ויסד ארץ ותפחד תמיד כל היום מפני חמת המציק כאשר כונן
להשחית ואיה חמת המציק
¹⁴מהר צעה להפתח ולא ימות לשחת ולא יחסר לחמו
¹⁵ואנכי יהוה אלהיך רגע הים ויהמו גליו יהוה צבאות שמו
¹⁶ואשים דברי בפיו ובצל ידי כסיתיך לנטע שמים וליסד ארץ ולאמר לציון עמי אתה
¹⁷התעוררי התעוררי קומי ירושלם אשר שתית מיד יהוה את כוס חמתו את קבעת כוס התרעלה
שתית מצית
¹⁸אין מנהל לה מכל בנים ילדה ואין מחזיק בידה מכל בנים גדלה
¹⁹שתים הנה קראתיך מי ינוד לך השד והשבר והרעב והחרב מי אנחמך
²⁰בניך עלפו שכבו בראש כל חוצות כתוא מכמר המלאים חמת יהוה גערת אלהיך
²¹לכן שמעי נא זאת עניה ושכרת ולא מיין
²²כה אמר אדניך יהוה ואלהיך יריב עמו הנה לקחתי מידך את כוס התרעלה את קבעת כוס חמתי
לא תוסיפי לשתותה עוד
²³ושמתיה ביד מוֹגִיךָ אשר אמרו לנפשך שחי ונעברה ותשימי כארץ גוך וכחוץ לעברים

הפרק 52

עורי עורי לבשי עזך ציון לבשי בגדי תפארתך ירושלם עיר הקדש כי לא יוסיף יבא בך עוד ערל
וטמא
²התנערי מעפר קומי שבי ירושלם התפתחו מוסרי צוארך שביה בת ציון
³כי כה אמר יהוה חנם נמכרתם ולא בכסף תגאלו
⁴כי כה אמר אדני יהוה מצרים ירד עמי בראשנה לגור שם ואשור באפס עשקו
⁵ועתה מה לי פה נאם יהוה כי לקח עמי חנם משלו יהלילו נאם יהוה ותמיד כל היום שמי מנאץ
⁶לכן ידע עמי שמי לכן ביום ההוא כי אני הוא המדבר הנני!
⁷מה נאוו על ההרים רגלי מבשר משמיע שלום מבשר טוב משמיע ישועה אמר לציון מלך אלהיך
⁸קול צפיק נשאו קול יחדו ירננו כי עין בעין יראו בשוב יהוה ציון
⁹פצחו רננו יחדו חרבות ירושלם כי נחם יהוה עמו גאל ירושלם
¹⁰חשף יהוה את זרוע קדשו לעיני כל הגוים וראו כל אפסי ארץ את ישועת אלהינו
¹¹סורו סורו צאו משם טמא אל תגעו צאו מתוכה הברו נשאי כלי יהוה

¹²כי לא בחפזון תצאו ובמנוסה לא תלכון כי הלך לפניכם יהוה ומאספכם אלהי ישראל
¹³הנה ישכיל עבדי ירום ונשא וגבה מאד
¹⁴כאשר שממו עליך רבים כן משחת מאיש מראהו ותארו מבני אדם
¹⁵כן יזה גוים רבים עליו יקפצו מלכים פיהם כי אשר לא ספר להם ראו ואשר לא שמעו התבוננו

הפרק 53

מי האמין לשמעתנו וזרוע יהוה על מי נגלתה
²ויעל כיונק לפניו וכשרש מארץ ציה לא תאר לו ולא הדר ונראהו ולא מראה ונחמדהו
³נבזה וחדל אישים איש מכאבות וידוע חלי וכמסתר פנים ממנו נבזה ולא חשבנהו
⁴אכן חלינו הוא נשא ומכאבינו סבלם ואנחנו חשבנהו נגוע מכה אלהים ומענה
⁵והוא מחלל מפשענו מדכא מעונותינו מוסר שלומנו עליו ובחברתו נרפא לנו
⁶כלנו כצאן תעינו איש לדרכו פנינו ויהוה הפגיע בו את עון כלנו
⁷נגש והוא נענה ולא יפתח פיו כשה לטבח יובל וכרחל לפני גזיזה נאלמה ולא יפתח פיו
⁸מעצר וממשפט לקח ואת דורו מי ישוחח כי נגזר מארץ חיים מפשע עמי נגע למו
⁹ויתן את רשעים קברו ואת עשיר במתיו על לא חמס עשה ולא מרמה בפיו
¹⁰ויהוה חפץ דכאו החלי אם תשים אשם נפשו יראה זרע יאריך ימים וחפץ יהוה בידו יצלח
¹¹מעמל נפשו יראה ישבע בדעתו יצדיק צדיק עבדי לרבים ועונתם הוא יסבל
¹²לכן אחלק לו ברבים ואת עצומים יחלק שלל תחת אשר הערה למות נפשו ואת פשעים נמנה והוא
חטא רבים נשא ולפשעים יפגיע

הפרק 54

רני עקרה לא ילדה פצחי רנה וצהלי לא חלה כי רבים בני שוממה מבני בעולה אמר יהוה
²הרחיבי מקום אהלך ויריעות משכנותיך יטו אל תחשכי האריכי מיתריך ויתדתיך חזקי
³כי ימין ושמאל תפרצי וזרעך גוים יירש וערים נשמות יושיבו
⁴אל תיראי כי לא תבושי ואל תכלמי כי לא תחפירי כי בשת עלומיך תשכחי וחרפת אלמנותיך לא
תזכרי עוד
⁵כי בעליך עשיר יהוה צבאות שמו וגאלך קדוש ישראל אלהי כל הארץ יקרא
⁶כי כאשר עזובה ועצובת רוח קראך יהוה ואשת נעורים כי תמאס אמר אלהיך
⁷ברגע קטן עזבתיך וברחמים גדלים אקבצך
⁸בשצף קצף הסתרתני פני רגע ממך ובחסד עולם רחמתיך אמר גאלך יהוה
⁹כי מי נח זאת לי אשר נשבעתי מעבר מי נח עוד על הארץ כן נשבעתי מקצף עליך ומגער בך
¹⁰כי ההרים ימושו והגבעות תמוטנה וחסדי מאתך לא ימוש וברית שלומי לא תמוט אמר מרחמך
יהוה
¹¹עניה סערה לא נחמה הנה אנכי מרביץ בפוך אבניך ויסדתיך בספירים
¹²ושמתי כדכד שמשתיך ושעריך לאבני אקדח וכל גבולך לאבני חפץ
¹³וכל בניך למודי יהוה ורב שלום בניך
¹⁴בצדקה תכונני רחמי מעשך כי לא תיראי וממחתה כי לא תקרב אליך
¹⁵הן גור יגור אפס מאותי מי גר אתך עליך יפול
¹⁶הן אנכי בראתי חרש נפח באש פחם ומוציא כלי למעשהו ואנכי בראתי משחית לחבל
¹⁷כל כלי יוצר עליך לא יצלח וכל לשון תקום אתך למשפט תרשיעי זאת נחלת עבדי יהוה וצדקתם
מאתי נאם יהוה

הפרק 55

הוי כל צמא לכו למים ואשר אין לו כסף לכו שברו ואכלו ולכו שברו בלוא כסף ובלוא מחיר יין וחלב² למה תשקלו כסף בלוא לחם ויגיעכם בלוא לשבעה שמעו שמוע אלי ואכלו טוב ותתענג בדשן נפשכם³ הטו אזנכם ולכו אלי שמעו ותחי נפשכם ואכרתה לכם ברית עולם חסדי דוד הנאמנים⁴ הן עד לאומים נתתיו נגיד ומצוה לאמים⁵ הן גוי לא תדע תקרא וגוי לא ידעוך אליך ירוצו למען יהוה אלהיך ולקדוש ישראל כי פארך⁶ דרשו יהוה בהמצאו קראהו בהיותו קרוב⁷ יעזב רשע דרכו ואיש און מחשבתי וישב אל יהוה וירחמהו ואל אלהינו כי ירבה לסלוח⁸ כי לא מחשבתי מחשבותיכם ולא דרכיכם דרכי נאם יהוה⁹ כי גבהו שמים מארץ כן גבהו דרכי מדרכיכם ומחשבתי ממחשבתיכם¹⁰ כי כאשר ירד הגשם והשלג מן השמים ושמה לא ישוב כי אם הרוה את הארץ והולידה והצמיחה ונתן זרע לזרע ולחם לאכל¹¹ כן יהיה דברי אשר יצא מפי לא ישוב אלי ריקם כי אם עשה את אשר חפצתי והצליח אשר שלחתי¹² כי בשמחה תצאו ובשלום תובלון ההרים והגבעות יפצחו לפניכם רנה וכל עצי השדה ימחאו כף¹³ תחת הנעצוץ יעלה ברוש תחת הסרפד יעלה הדס והיה ליהוה לשם לאות עולם לא יכרת

הפרק 56

כה אמר יהוה שמרו משפט ועשו צדקה כי קרובה ישועתי לבוא וצדקתי להגלות² אשרי אנוש יעשה זאת ובן אדם יחזיק בה שמר שבת מחללו ושמר ידו מעשות כל רע³ ואל יאמר בן הנכר הנלוה אל יהוה לאמר הבדל יבדילני יהוה מעל עמו ואל יאמר הסריס הן אני עץ יבש⁴ כי כה אמר יהוה לסריסים אשר ישמרו את שבתותי ובחרו באשר חפצתי ומחזיקים בבריתי⁵ ונתתי להם בביתי ובחומתי יד ושם טוב מבנים ומבנות שם עולם אתן לו אשר לא יכרת⁶ ובני הנכר הנלוים על יהוה לשרתו ולאהבה את שם יהוה להיות לו לעבדים כל שמר שבת מחללו ומחזיקים בבריתי⁷ והביאותים אל הר קדשי ושמחתים בבית תפלתי עולתיהם וזבחיהם לרצון על מזבחי כי ביתי בית תפלה יקרא לכל העמים⁸ נאם אדני יהוה מקבץ נדחי ישראל עוד אקבץ עלי לנקבציו⁹ כל חיתו שדי אתיו לאכל כל חיתו ביער¹⁰ צפו עורים כלם לא ידעו כלם כלבים אלמים לא יוכלו לנבח הזים שכבים אהבי לנזם¹¹ והכלבים עזי נפש לא ידעו שבעה והמה רעים לא ידעו הבין כלם לדרכם פנו איש לבצעו מקצהו¹² אתיו אקחה יין ונסבאה שכר והיה כזה יום מחר גדול יתר מאד

הפרק 57

הצדיק אבד ואין איש שם על לב ואנשי חסד נאספים באין מבין כי מפני הרעה נאסף הצדיק² יבוא שלום ינוחו על משכבותם הלך נכחו³ ואתם קרבו הנה בני עננה זרע מנאף ותזנח⁴ על מי תתענגו על מי תרחיבו פה תאריכו לשון הלוא אתם ילדי פשע זרע שקר⁵ הנחמים באלים תחת כל עץ רענן שחטי הילדים בנחלים תחת סעפי הסלעים⁶ בחלקי נחל חלקך הם הם גורלך גם להם שפכת נסך העלית מנחה העל אלה אנחם

⁷על הר גבה ונשא שמת משכבך גם שם עלית לזבח זבח
⁸ואחר הדלת והמזוזה שמת זכרוןך כי מאתי גלית ותעלי הרחבת משכבך ותכרת לך מהם אהבת משכבם יד חזית
⁹ותשרי למלך בשמן ותרכי רקחך ותשלחי צריך עד מרחק ותשפילי עד שאול
¹⁰ברב דרכך יגעת לא אמרת נואש חית ידך מצאת על כן לא חלית
¹¹ואת מי דאגת ותיראי כי תכזבי ואותי לא זכרת לא שמת על לבך הלא אני מחשה ומעלם ואותי לא תיראי
¹²אני אגיד צדקתך ואת מעשיך ולא יועילוך
¹³בזעקך יצילך קבוציך ואת כלם ישא רוח יקח הבל והחוסה בי ינחל ארץ ויירש הר קדש
¹⁴ואמר סלו סלו פנו דרך הרימו מכשול מדרך עמי
¹⁵כי כה אמר רם ונשא שכן עד וקדוש שמו מרום וקדוש אשכון ואת דכא ושפל רוח להחיות רוח שפלים ולהחיות לב נדכאים
¹⁶כי לא לעולם אריב ולא לנצח אקצוף כי רוח מלפני יעטוף ונשמות אני עשיתי
¹⁷בעון בצעו קצפתי ואכהו הסתר ואקצף וילך שובב בדרך לבו
¹⁸דרכיו ראיתי וארפאהו ואנחהו ואשלם נחמים לו ולאבליו
¹⁹בורא נוב שפתיים שלום שלום לרחוק ולקרוב אמר יהוה ורפאתיו
²⁰והרשעים כים נגרש כי השקט לא יוכל ויגרשו מימיו רפש וטיט
²¹אין שלום אמר אלהי לרשעים

הפרק 58

קרא בגרון אל תחשך כשופר הרם קולך והגד לעמי פשעם ולבית יעקב חטאתם
²ואותי יום יום ידרשון ודעת דרכי יחפצון כגוי אשר צדקה עשה ומשפט אלהיו לא עזב ישאלוני משפטי צדק קרבת אלהים יחפצון
³למה צמנו ולא ראית ענינו נפשנו ולא תדע הן ביום צמכם תמצאו חפץ וכל עצביכם תנגשו
⁴הן לריב ומצה תצומו ולהכות באגרף רשע לא תצומו כיום להשמיע במרום קולכם
⁵הכזה יהיה צום אבחרהו יום ענות אדם נפשו הלכף כאגמן ראשו ושק ואפר יציע הלזה תקרא צום ויום רצון ליהוה
⁶הלוא זה צום אבחרהו פתח חרצבות רשע התר אגדות מוטה ושלח רצוצים חפשים וכל מוטה תנתקו
⁷הלוא פרס לרעב לחמך ועניים מרודים תביא בית כי תראה ערם וכסיתו ומבשרך לא תתעלם
⁸אז יבקע כשחר אורך וארכתך מהרה תצמח והלך לפניך צדק כבוד יהוה יאספך
⁹אז תקרא ויהוה יענה תשוע ויאמר הנני אם תסיר מתוכך מוטה שלח אצבע ודבר און
¹⁰ותפק לרעב נפשך ונפש נענה תשביע וזרח בחשך אורך ואפלתך כצהרים
¹¹ונחך יהוה תמיד והשביע בצחצחות נפשך ועצמתך יחליץ והיית כגן רוח וכמוצא מים אשר לא יכזבו מימיו
¹²ובנו ממך חרבות עולם מוסדי דור ודור תקומם וקרא לך גדר פרץ משבב נתיבות לשבת
¹³אם תשיב משבת רגלך עשות חפצך ביום קדש וקראת לשבת ענג לקדוש יהוה מכבד וכבדתו מעשות דרכיך ממצוא חפצך ודבר דבר
¹⁴אז תתענג על יהוה והרכבתך על במותי ארץ והאכלתיך נחלת יעקב אביך כי פי יהוה דבר

הפרק 59

הן לא קצרה יד יהוה מהושיע ולא כבדה אזנו משמוע² כי אם עונתיכם היו מבדלים בינכם לבין אלהיכם וחטאותיכם הסתירו פנים מכם משמוע³ כי כפיכם נגאלו בדם ואצבעותיכם בעון שפתותיכם דברו שקר לשונכם עולה תהגה⁴ אין קרא בצדק ואין נשפט באמונה בטוח על תהו ודבר שוא הרו עמל והוליד און⁵ ביצי צפעוני בקעו וקורי עכביש יארגו האכל מביציהם ימות והזורה תבקע אפעה⁶ קוריהם לא יהיו לבגד ולא יתכסו במעשיהם מעשיהם מעשי און ופעל חמס בכפיהם⁷ רגליהם לרע ירצו וימהרו לשפך דם נקי מחשבותיהם מחשבות און שד ושבר במסלותם⁸ דרך שלום לא ידעו ואין משפט במעגלותם נתיבותיהם עקשו להם כל דרך בה לא ידע שלום⁹ על כן רחק משפט ממנו ולא תשיגנו צדקה נקוה לאור והנה חשך לנגהות באפלות נהלך¹⁰ נגששה כעורים קיר וכאין עינים נגששה כשלנו בצהרים כנשף באשמנים כמתים¹¹ נהמה כדבים כלנו וכיונים הגה נהגה נקוה למשפט ואין לישועה רחקה ממנו¹² כי רבו פשעינו נגדך וחטאותינו ענתה בנו כי פשעינו אתנו ועונתינו ידענום¹³ פשע וכחש ביהוה ונסוג מאחר אלהינו דבר עשק וסרה הרו והגו מלב דברי שקר¹⁴ והסג אחור משפט וצדקה מרחוק תעמד כי כשלה ברחוב אמת ונכחה לא תוכל לבוא¹⁵ ותהי האמת נעדרת וסר מרע משתולל וירא יהוה וירע בעיניו כי אין משפט¹⁶ וירא כי אין איש וישתומם כי אין מפגיע ותושע לו זרעו וצדקתו היא סמכתהו¹⁷ וילבש צדקה כשרין וכובע ישועה בראשו וילבש בגדי נקם תלבשת ויעט כמעיל קנאה¹⁸ כעל גמלות כעל ישלם חמה לצריו גמול לאיביו לאיים גמול ישלם¹⁹ וייראו ממערב את שם יהוה וממזרח שמש את כבודו כי יבוא כנהר צר רוח יהוה נססה בו²⁰ ובא לציון גואל ולשבי פשע ביעקב נאם יהוה²¹ ואני זאת בריתי אותם אמר יהוה רוחי אשר עליך ודברי אשר שמת בי פיך לא ימושו מפיו ומפי זרעך ומפי זרע זרעך אמר יהוה מעתה ועד עולם

הפרק 60

קומי אורי כי בא אורך וכבוד יהוה עליך זרח² כי הנה החשך יכסה ארץ וערפל לאמים ועליך יזרח יהוה וכבודו עליך יראה³ והלכו גוים לאורך ומלכים לנגה זרחך⁴ שאי סביב עיניך וראי כלם נקבצו באו לך בניך מרחוק יבאו ובנתיך על צד תאמנה⁵ אז תראי ונהרת ופחד ורחב לבבך כי יהפך עליך המון ים חיל גוים יבאו לך⁶ שפעת גמלים תכסך בכרי מדין ועיפה כלם משבא יבאו זהב ולבונה ישאו ותהלת יהוה יבשרו⁷ כל צאן קדר יקבצו לך אילי נביות ישרתונך יעלו על רצון מזבחי ובית תפארתי אפאה⁸ מי אלה כעב תעופינה וכיונים אל ארבתיהם⁹ כי לי איים יקוו ואניות תרשיש בראשנה להביא בניך מרחוק כספם וזהבם אתם לשם יהוה אלהיך ולקדוש ישראל כי פארך¹⁰ ובנו בני נכר חמתך ומלכיהם ישרתונך כי בקצפי הכיתך וברצוני רחמתך¹¹ ופתחו שעריך תמיד יומם ולילה לא יסגרו להביא אליך חיל גוים ומלכיהם נהגים¹² כי הגוי והממלכה אשר לא יעבדוך יאבדו והגוים חרב יחרבו¹³ כבוד הלבנון אליך יבוא ברש תדהר ותאשור יחדו לפאר מקום מקדשי ומקום רגלי אכבד¹⁴ והלכו אליך שחוח בני מעניך והשתחוו על כפות רגליך כל מנאציק וקראו לך עיר יהוה ציון קדוש ישראל¹⁵ תחת היותך עזובה ושנואה ואין עובר ושמתיך לגאון עולם משוש דור ודור¹⁶ וינקת חלב גוים ושד מלכים תינקי וידעת כי אני יהוה מושיעך וגאלך אביר יעקב

¹⁷ תחת הנחשת אביא זהב ותחת הברזל אביא כסף ותחת העצים נחשת ותחת האבנים ברזל ושמתי פקדתך שלום ונגשיך צדקה ¹⁸ לא ישמע עוד חמס בארצך שד ושבר בגבולך וקראת ישועה חומתיך ושעריך תהלה ¹⁹ לא יהיה לך עוד השמש לאור יומם ולנגה הירח לא יאיר לך והיה לך יהוה לאור עולם ואלהיך לתפארתך ²⁰ לא יבוא עוד שמשך וירחך לא יאסף כי יהוה יהיה לך לאור עולם ושלמו ימי אבלך ²¹ ועמך כלם צדיקים לעולם יירשו ארץ נצר מטעו מעשה ידי להתפאה ²² הקטן יהיה לאלף והצעיר לגוי עצום אני יהוה בעתה אחישנה

הפרק 61

רוח אדני יהוה עלי יען משח יהוה אתי לבשר ענוים שלחני לחבש לנשברי לב לקרא לשבויים דרור ולאסורים פקח קוח ² לקרא שנת רצון ליהוה ויום נקם לאלהינו לנחם כל אבלים ³ לשום לאבלי ציון לתת להם פאר תחת אפר שמן ששון תחת אבל מעטה תהלה תחת רוח כהה וקרא להם אילי הצדק מטע יהוה להתפאה ⁴ ובנו חרבות עולם שממות ראשנים יקוממו וחדשו ערי חרב שממות דור ודור ⁵ ועמדו זרים ורעו צאנכם ובני נכר אכריכם וכרמיכם ⁶ ואתם כהני יהוה תקראו משרתי אלהינו יאמר לכם חיל גוים תאכלו ובכבודם תתימרו ⁷ תחת בשתכם משנה וכלמה ירנו חלקם לכן בארצם משנה יירשו שמחת עולם תהיה להם ⁸ כי אני יהוה אהב משפט שנא גזל בעולה ונתתי פעלתם באמת וברית עולם אכרות להם ⁹ ונודע בגוים זרעם וצאצאיהם בתוך העמים כל ראייהם יכירום כי הם זרע ברך יהוה ¹⁰ שוש אשיש ביהוה תגל נפשי באלהי כי הלבישני בגדי ישע מעיל צדקה יעטני כחתן יכהן פאר וככלה תעדה כליה ¹¹ כי כארץ תוציא צמחה וכגנה זרועיה תצמיח כן אדני יהוה יצמיח צדקה ותהלה נגד כל הגוים

הפרק 62

למען ציון לא אחשה ולמען ירושלם לא אשקוט עד יצא כנגה צדקה וישועתה כלפיד יבער ² וראו גוים צדקך וכל מלכים כבודך וקרא לך שם חדש אשר פי יהוה יקבנו ³ והיית עטרת תפארת ביד יהוה וצנוף מלוכה בכף אלהיך ⁴ לא יאמר לך עוד עזובה ולארצך לא יאמר עוד שממה כי לך יקרא חפצי בה ולארצך בעולה כי חפץ יהוה בך וארצך תבעל ⁵ כי יבעל בחור בתולה יבעלך בניך ומשוש חתן על כלה ישיש עליך אלהיך ⁶ על חומתיך ירושלם הפקדתי שמרים כל היום וכל הלילה תמיד לא יחשו המזכרים את יהוה אל דמי לכם ⁷ ואל תתנו דמי לו עד יכונן ועד ישים את ירושלם תהלה בארץ ⁸ נשבע יהוה בימינו ובזרוע עזו אם אתן את דגנך עוד מאכל לאיביך ואם ישתו בני נכר תירושך אשר יגעת בו ⁹ כי מאספיו יאכלו והללו את יהוה ומקבציו ישתהו בחצרות קדש ¹⁰ עברו עברו בשערים פנו דרך העם סלו סלו המסלה סקלו מאבן הרימו נס על העמים ¹¹ הנה יהוה השמיע אל קצה הארץ אמרו לבת ציון הנה ישעך בא הנה שכרו אתו ופעלתו לפניו ¹² וקראו להם עם הקדש גאולי יהוה ולך יקרא דרושה עיר לא נעזבה

הפרק 63

מי זה בא מאדום חמוץ בגדים מבצרה זה הדור בלבשו צעה ברב כחו אני מדבר בצדקה רב להושיע

²מדוע אדם ללבושך ובגדיך כדרך בגת

³פורה דרכתי לבדי ומעמים אין איש אתי ואדרכם באפי וארמסם בחמתי ויז נצחם על בגדי וכל מלבושי אגאלתי

⁴כי יום נקם בלבי ושנת גאולי באה

⁵ואביט ואין עזר ואשתומם ואין סומך ותושע לי זרעי וחמתי היא סמכתי

⁶ואבוס עמים באפי ואשכרם בחמתי ואוריד לארץ נצחם

⁷חסדי יהוה אזכיר תהלת יהוה כעל כל אשר גמלנו יהוה ורב טוב לבית ישראל אשר גמלם כרחמי וכרב חסדיו

⁸ויאמר אך עמי המה בנים לא ישקרו ויהי להם למושיע

⁹בכל צרתם לא צר ומלאך פניו הושיעם באהבתו ובחמלתו הוא גאלם וינטלם וינשאם כל ימי עולם

¹⁰והמה מרו ועצבו את רוח קדשו ויהפך להם לאויב הוא נלחם במ

¹¹ויזכר ימי עולם משה עמו איה המעלם מים את רעי צאנו איה השם בקרבו את רוח קדשו

¹²מוליך לימין משה זרוע תפארתו בוקע מים מפניהם לעשות לו שם עולם

¹³מוליקם בתהמות כסוס במדבר לא יכשלו

¹⁴כבהמה בבקעה תרד רוח יהוה תניחנו כן נהגת עמך לעשות לך שם תפארת

¹⁵הבט משמים וראה מזבל קדשך ותפארתך איה קנאתך וגבורתך המון מעיך ורחמיך אלי התאפקו

¹⁶כי אתה אבינו כי אברהם לא ידענו וישראל לא יכירנו אתה יהוה אבינו גאלנו מעולם שמך

¹⁷למה תתענו יהוה מדרכיך תקשיח לבנו מיראתך שוב למען עבדיך שבטי נחלתך

¹⁸למצער ירשו עם קדשך צרינו בוססו מקדשך

¹⁹היינו מעולם לא משלת במ לא נקרא שמך עליהם

הפרק 64

לוא קרעת שמים ירדת מפניך הרים נזלו

²כקדח אש המסים מים תבעה אש להודיע שמך לצריך מפניך גוים ירגזו

³בעשותך נוראות לא נקוה ירדת מפניך הרים נזלו

⁴ומעולם לא שמעו לא האזינו עין לא ראתה אלהים זולתך יעשה למחכה לו

⁵פגעת את שש ועשה צדק בדרכיך יזכרוך הן אתה קצפת ונחטא בהם עולם ונושע

⁶ונהי כטמא כלנו וכבגד עדים כל צדקתינו ונבל כעלה כלנו ועוננו כרוח ישאנו

⁷ואין קורא בשמך מתעורר להחזיק בך כי הסתרת פניך ממנו ותמוגנו ביד עוננו

⁸ועתה יהוה אבינו אתה אנחנו החמר ואתה יצרנו ומעשה ידך כלנו

⁹אל תקצף יהוה עד מאד ואל לעד תזכר עון הן הבט נא עמך כלנו

¹⁰ערי קדשך היו מדבר ציון מדבר היתה ירושלם שממה

¹¹בית קדשנו ותפארתנו אשר הללך אבותינו היה לשרפת אש וכל מחמדינו היה לחרבה

¹²העל אלה תתאפק יהוה תחשה ותעננו עד מאד

הפרק 65

נדרשתי ללוא שאלו נמצאתי ללא בקשני אמרתי הנני הנני אל גוי לא קרא בשמי:¹
²פרשתי ידי כל היום אל עם סורר ההלכים הדרך לא טוב אחר מחשבותיהם
³העם המכעיסים אותי על פני תמיד זבחים בגנות ומקטרים על הלבנים
⁴הישיבים בקברים ובנצורים ילינו האכלים בשר החזיר ופרק פגלים כליהם
⁵האמרים קרב אליך אל תגש בי כי קדשתיך אלה עשן באפי אש יקדת כל היום
⁶הנה כתובה לפני לא אחשה כי אם שלמתי ושלמתי על חיקם
⁷עונתיכם ועונת אבותיכם יחדו אמר יהוה אשר קטרו על ההרים ועל הגבעות חרפוני ומדתי פעלתם
ראשנה על חיקם
⁸כה אמר יהוה כאשר ימצא התירוש באשכול ואמר אל תשחיתו כי ברכה בו כן אעשה למען עבדי
לבלתי השחית הכל
⁹והוצאתי מיעקב זרע ומיהודה יורש הרי וירשוה בחירי ועבדי ישכנו שמה
¹⁰והיה השרון לנוה צאן ועמק עכור לרביץ בקר לעמי אשר דרשוני
¹¹ואתם עזבי יהוה השכחים את הר קדשי הערכים לגד שלחן והממלאים למני ממסך
¹²ומניתי אתכם לחרב וכלכם לטבח תכרעו יען קראתי ולא עניתם דברתי ולא שמעתם ותעשו הרע
בעיני ובאשר לא חפצתי בחרתם
¹³לכן כה אמר אדני יהוה הנה עבדי יאכלו ואתם תרעבו הנה עבדי ישתו ואתם תצמאו הנה עבדי
ישמחו ואתם תבשו
¹⁴הנה עבדי ירנו מטוב לב ואתם תצעקו מכאב לב ומשבר רוח תלילו
¹⁵והנחתם שמכם לשבועה לבחירי והמיתך אדני יהוה ולעבדיו יקרא שם אחר
¹⁶אשר המתברך בארץ יתברך באלהי אמן והנשבע בארץ ישבע באלהי אמן כי נשכחו הצרות
הראשונות וכי נסתרו מעיני
¹⁷כי הנני בורא שמים חדשים וארץ חדשה ולא תזכרנה הראשונות ולא תעלינה על לב
¹⁸כי אם שישו וגילו עדי עד אשר אני בורא כי הנני בורא את ירושלם גילה ועמה משוש
¹⁹וגלתי בירושלם וששתי בעמי ולא ישמע בה עוד קול בכי וקול זעקה
²⁰לא יהיה משם עוד עול ימים וזקן אשר לא ימלא את ימיו כי הנער בן מאה שנה ימות והחוטא בן
מאה שנה יקלל
²¹ובנו בתים וישבו ונטעו כרמים ואכלו פרים
²²לא יבנו ואחר ישוב לא יטעו ואחר יאכל כי כימי העץ ימי עמי ומעשה ידיהם יבלו בחירי
²³לא ייגעו לריק ולא ילדו לבהלה כי זרע ברוכי יהוה המה וצאצאיהם אתם
²⁴והיה טרם יקראו ואני אענה עוד הם מדברים ואני אשמע
²⁵זאב וטלה ירעו כאחד ואריה כבקר יאכל תבן ונחש עפר לחמו לא ירעו ולא ישחיתו בכל הר קדשי
אמר יהוה

הפרק 66

כה אמר יהוה השמים כסאי והארץ הדם רגלי אי זה בית אשר תבנו לי ואי זה מקום מנוחתי:
²ואת כל אלה ידי עשתה ויהיו כל אלה נאם יהוה ואל זה אביט אל עני ונכה רוח וחרד על דברי
³שוחט השור מכה איש זובח השה ערף כלב מעלה מנחה דם חזיר מזכיר לבנה מברך און גם המה
בחרו בדרכיהם ובשקוציהם נפשם חפצה
⁴גם אני אבחר בתעלליהם ומגורתם אביא להם יען קראתי ואין עונה דברתי ולא שמעו ויעשו הרע
בעיני ובאשר לא חפצתי בחרו
⁵שמעו דבר יהוה החרדים אל דברו אמרו אחיכם שנאיכם מנדיכם למען שמי יכבד יהוה ונראה
בשמחתכם והם יבשו
⁶קול שאון מעיר קול מהיכל קול יהוה משלם גמול לאיביו

⁷בטרם תחיל ילדה בטרם יבוא חבל לה והמליטה זכר

⁸מי שמע כזאת מי ראה כאלה היוחל ארץ ביום אחד אם יולד גוי פעם אחת כי חלה גם ילדה ציון את בניה

⁹האני אשביר ולא אוליד יאמר יהוה אם אני המוליד ועצרתי אמר אלהיך

¹⁰שמחו את ירושלם וגילו בה כל אהביה שישו אתה משוש כל המתאבלים עליה

¹¹למען תינקו ושבעתם משד תנחמיה למען תמצו והתענגתם מזיז כבודה

¹²כי כה אמר יהוה הנני נטה אליה כנהר שלום וכנחל שוטף כבוד גוים וינקתם על צד תנשאו ועל ברכים תשעשעו

¹³כאיש אשר אמו תנחמנו כן אנכי אנחמכם ובירושלם תנחמו

¹⁴וראיתם ושש לבכם ועצמותיכם כדשא תפרחנה ונודעה יד יהוה את עבדיו וזעם את איביו

¹⁵כי הנה יהוה באש יבוא וכסופה מרכבתיו להשיב בחמה אפו וגערתו בלהבי אש

¹⁶כי באש יהוה נשפט ובחרבו את כל בשר ורבו חללי יהוה

¹⁷המתקדשים והמטהרים אל הגנות אחר אחד בתוך אכלי בשר החזיר והשקץ והעכבר יחדו יספו נאם יהוה

¹⁸ואנכי מעשיהם ומחשבתייהם באה לקבץ את כל הגוים והלשנות ובאו וראו את כבודי

¹⁹ושמתי בהם אות ושלחתי מהם פליטים אל הגוים תרשיש פול ולוד משכי קשת תבל ויון האיים הרחקים אשר לא שמעו את שמעי ולא ראו את כבודי והגידו את כבודי בגוים

²⁰והביאו את כל אחיכם מכל הגוים מנחה ליהוה בסוסים וברכב ובצבים ובפרדים ובכרכרות על הר קדשי ירושלם אמר יהוה כאשר יביאו בני ישראל את המנחה בכלי טהור בית יהוה

²¹וגם מהם אקח לכהנים ללוים אמר יהוה

²²כי כאשר השמים החדשים והארץ החדשה אשר אני עשה עמדים לפני נאם יהוה כן יעמד זרעכם ושמכם

²³והיה מדי חדש בחדשו ומדי שבת בשבתו יבוא כל בשר להשתחות לפני אמר יהוה

²⁴ויצאו וראו בפגרי האנשים הפשעים בי כי תולעתם לא תמות ואשם לא תכבה והיו דראון לכל בשר